

2025

Lih wainhka
Li katka kat

Sabat Baibil Lisinka

Wahma an almuk klaska



2

Gaspel Sturka

Jan Ulbanka

Vol. 101, № 2

Lih wainhka katka wina Li katka kat, 2025

BILARA BA

"Gaspel sturka Jan ulbanka 2"

wahia

1. Jisas raiakaia bredka	5
2. Galalira trabil takanba	10
3. Jisas utla papakni liliakara	15
4. Naha waiknika baku upla aisaras	20
5. Yang sin patra maidinkras	26
6. Jisas, tasba ingnika	31
7. Ingriba marikaia ar mapara kaia	36
8. Jisas an Ebrahim wal	41
9. Jisas an blain waikna wal	46
10. Spirit lainkara upla blainba	52
11. Jisas, sip mainkakaira kasak	57
12. Jisas wihki Lasarus wal	62
13. Pruanwina kli buwaia an raiaka	67

LISIN LALKA

Sabbath Baibil Lisinka, yu bani stadi takaia dukiara paskan sa, Baibil dfa aisi ba kat an Prapit aisinka sin Kau baha purara upla lukanka nani prakras. Text ka naniba prahni aisisa kuhku pali lukan ka lalba kat.

Pyuwa nani walara kau lukan ka ba kler sakaia dukiara buk wala nani ra aisikaikbia wisa. Man nûbas kau Baibil stadi munras kainara puram sunra daukaia sma ba, ba apia kaka man tanka brima apia.

Illustrations: RF 123 on front and back covers, p. 25; Map Resources on pp. 4, 46, back cover.

(USPS 005-118), Vol. 101, No. 2, Lih wainhka katka wina Li katka kat 2025. Ulbi sakisa kati yumhpa bani Adventist Serts ka kli raya takaia Asla takan ka ba mita, ai afiska tara nina ba makisa General Conference, Sabat Skulka Baike sakanka wina.

Copyright © 2025

Ulban ba rait kaba Reformation Herald PubWisshing Association, 5240 HolWisns Road, Roanoke, Virginia 24019-5048, U.S.A. Periodical postagepaid at Roanoke, Virginia 24022-9993.

● U.S.A. AND CANADA

Contact: Telephone 1-540-366-9400 * Fax 1-540-366-2814 *
Website: www.sdarm.org *
Email: info@sdarm.org

POSTMASTER, please send address changes to: *Sabbath Bible Lessons*, P.O. Box 132, River stone NSW 2765, Australia.

Ninam: _____

Prias watla: _____

Klas numbika: _____

TA BILA

Jan ulbankaba lika las ra ulban. Matyu, Mark an Luk bukka nani ulbanba ninkara, pas taura handat manka bilara. 1900 mani luan ninkara Baibil tanka plaplikra uplika nani mita trai kaikan wiaia Jan ulbankaba Jisas balan ninkara 150 mani luanra ulbraskan wisi, bahara traikaiki banhwan wiaia Jan ulbankaba witin pali ulbraskan. Sin naha uplika nani Baibil tanka plaplikra nani aisikan Jan ulbankara smalkanka daukisa upla Jisas ra kasak lukras nani smalkankara walbia apia dukiara.

Jan ulbanka bukkaba patitarawina pat barakan, Jisas balan ninkara 115 mani nani bilkara. Baibil tanka plaplikra nani sakan apastel Jan ulbanka pis sirpi lupia kum Jan 18: 31-38 kat. Naha piska sirpi lupiara nina makan Papiro Rylands, kau isi aisaia kaka P52, bahara yua mankan 125 mani Jisas balan ninkara. Naha piska sirpinara lika sakan kata Egipra 200 mani nani luan wan winara. Nahawal uplasip aihka lukanka briaia apiasa Jan ulbanka dukiara. Waikna kum nina Adolph Deissmann, witin lika Testament Raya ulbanka tanka plaplikrakum baku aisan kata.

"Upla ailal ban lukanka sat sat barasa Jan ulbankaba dukiara, sakuna baha nanisut lika bahki dus wahia lawiba baku luwiwan kabia. Papiro Ryland, Egipra sakanbawal sip kau namhpara lukanka brikaia apiasa. 200 mani yawan tanira taura ulbanka lilika kum Egipra blikan. Bansa kaka Jan ulbankaba kau nina tanira mankan kaiasa."— *Deutsche Allgemeine Zeitung*, 3 de dic., 1935

Trabil nani ailal taura kasak lalukra nani purara balan pyuara, apastel Jan ulbankaba mita karnika an bilakaikanka tara yabikan Jisas pramiska nanira. An yabal kasakbasin marikikan.

Dawan mita yawan kumi banira ingnikaba wankisa, sakuna patitara ai prapit an apastel nanik aisan dukia naniba sip ban tnayara swiras. Nahki sat ingnika tara bribiasin wan ninara luan aisanka sturka nani Baibilra ulban naniba sip pura luwaia apiasa.

"Yawan wan ninaba lika Dawan uplika nani Lâ bila wawalra daknika nani, sakuna kau nawaskat yawan Dawan Lâ ka bila tanka tihuka naniba aiskasut briras palisa. Wan tilara ailal skul tara diman pasin an smasmalkra warkka takisa sakuna purataia baman Dawan Lâ kaba tanka briras kau nitsa tihuka aiskasut briaia. Kau nitsa Jisas paliwal kakaira takaia an wan raiakara yaka iwaia."— *Mensajes Selectos*, tomo 1, pp. 469, 470

Sabat Skul warkka dadaukra afiska lalka wina

Pas sabat kaliksanka

Priaswatla makaia
Prokhorovka tawankara,
Rusan kuntrikara



Rusan kuntrikaba tasba tarapali brisa
kuntri wala nanisut purkara, 6.612.073,2
mails tnaya walhwal sut kilumitara
lakbiasa kaka lika 17.125.191 km2, upla ailal
pali naha kuntrikara iwisa 147.000.000 pitka.

180 kuntri wala sat sat wina bal nahara iwisa, bara serts daknika sin
satka ailal naharasa. Kiatalik sertska tnawa tarakum nina Ortodoxa
rusa nina makiba lika 41.1% upla brisa, ninkara kristian daknika
naniba brisa 6.3%, Islam daknika lika brisa 6.5%, walakum nina
tengrista wisa baha nani brisa 1.2%, budismo nani brisa 1.2% upla
kristian apia naniba lika 25.2%, Dawanra kasak lukras uplika nani lika
13%

Adventist kli raya takan daknika nahara baldiman kata trabil ailal
tilak. Muihni manas rausauhkanka nani brihiakawan kata, kum kum
sin tilara pruan sakuna wednis painkira yaban kata gaspel sturka
yamnika Jisas tasbara balanba dukiara aisikawan.

1990 manka danhtakaia bailara, Baibil warkka tatakra waiknakum
aimaiawal rusanka kuntrika bilara diman, Dawan warkka daukaia.
Upla mawalkum aikuki aslatakikan sakuna priaswatla lika kau sip
makraskan. 2006 manka tnatara, witin nani tasba sirpikum
brihiakawan Prokhorovka tawankara, bahara iwi uplika nanilika insla
warkka tatakra palisa, ban saumuk mâ sat sat manki banhwisa, awala
tarakum nina psyol makiba unra, bahawina kau muna tanira lika
barasa tawankum nina Kursk makiba, bahara lika ayan ailal pali
sakisa.

Dawan kupia lakakanba mita yawan utla sirpikum atki brin bahara
aslatakikaia. Sakuna membars ailal takanbawal utlaba sirpi bakusa.
Nahara membars nani karna warktakis priaswatla kum makaia
sakuna man nani helpkam sin nitsa bahamita naha katira man sipsma
liliakira mihtan sakbi presantkam wankram kaia.

Man muihkan an lamkra nani Prokhorovka Rusan wina

**JISAS RAIKAIA BREDKA**

"Jisas naku aisan: 'Yangsika raiakaia bredka; ya yangra balbiaba, plunpin daukbia apia; an ya yangra kasak lukbiaba, li diran daukbia apia.' " Jan 6:35.

"Jisas wina yawan pisa kasak luki wan raiakara Jisas iwisa pyuara".—
The SDA Bible Commentary [E. G. White Comments], vol. 5, p. 1135.

Kau aisikaikaia: *Thoughts From the Mount of Blessing, pp. 18–21.*

Sandi**Kakamuk kati 30**

Baibil aisikaikaia ba: Rut 1-4

1. JISAS RA KING MANKAIA WANTKAN

- a. Jisas mita tukin tara daukiwal upla ailalra plun dakakan ninkara uplika nani dia daukaia wantkan? Jan 6:14,15.

"Yu aiskara upla naniba kau an kau Jisasra kasak lukikan. Bara las tukin tara daukiwal upla kwara tarara plun dadakan kau kasak lukan. Tawan uplika bilakaikanka tara brikan Jisasra. Ban aisi naku wikan naha waiknika sika Judea aiskara blisin bribalbia tawan bilara yaka liaubia nasma an bip tialka layawal. Wan nitka naniba sut wankbia. Rom taibanka lakawina priwan sakbia. Juda an Jerusalemra prisakbia. Soldyar nani war ra latwan bribia taim sipkabia rakaia. Soldyar dakni tara aiskara plun yabia. Israel ba nesan karnakum takbia.

"Upla kwara taraba uba liliakan bara minitkara mahka Jisasra King mankaia wantkan. sakuna kaikan Jisas brindaukraskan witinra kulkanka tara yabia. Jisas daukankaba satwalakan pris an parisi naniwal prakbiasa kaka, an David trunkara iwaia brindaukraskan. Uplika nani aitolakat aimanka aisi banhwan taibi muni Jisasra king man kaia. Disaipil nanisin naha lukankara tabaikikan yaka Jisasra David trunkara iwaia. Jisas brindaukras kan tasbara king aimai. "Upla naniba aiprika sasakrara purara bukbia ki, pris an parisi nanira taibi muni yabiaki kulkanka Jisasra yabaia, witinka hevenwina blikanba. – " *The Desire of Ages, pp. 377, 378.*



2. UPLA KWARA KUPIA DASKAN

a. Jisas dia daukan upla kwara nani mita witinra king mankbia apia dukiara? *Jan 6:15.*

"Disaipil nani wihki upla kwaratara aikuki asla rididaukikan Jisas ra King mankaia; sakuna Jisas kaikikan dia daukaia traikaikiba, sakuna sipa piaba an baha taka dia takbiaba. Parisi an pris nani aikuki asla plikikan tnatka nahki muni Jisasra alkaia. Karna muni an warkum daukiwal Jisas ra trunra mankaia luki banhwikan. Jisas mita aidisaipilka nanira adar yaban durira aimaki bailawalara lubia Capernaum tawankara, bara witin mita upla nanira tankira aisi mahka wabia.

"Disaipil nani apia lukikan Jisas adarkaba bilawali daukaia. Witin nani brindaukikan pyu wihkawina upla nani asla taki lukanka kumi baku bribia Jisas ra King mankaia. Want apiakan upla kwara tara lukanka naniba ban bahkira takasbia. Ensal luan yua lilika daukaia dukiara wisi upla kwaratara aipaswankan an uba liliakan Jisas ra kaikaia prapit raiakum baku. Jisas nina blablikra nani sut lukikan naha awarkanara aitanisa David trunkara yaka Jisasra iwaia. Baha mita disaipil nani karna aidarawalan witin nani durira aimaki Capernaumra luwiwaiaba. Jisas mapara aisan; sakuna Jisas karna aisi wisata aibila wali daukbia dukiara." — *The Desire of Ages*, p. 378.

b. Jisas mita tukin tara dauki upla ailalra plun dakakan ninkara yuawala uplika nani dia daukan? *Jan 6:22–25*

"Jisas tukin tara daukiwal upla kwarara plun dadakanba sturka lika istipali plapi tawan, kau titan palirakan upla ailal aslatakan Betsaida tawankara Jisasra kaikaia. Manas lika tasbak wapi balan wala nani lika kabuk durira balan kata. Kau ban upla wala nani aiwatlara wisi kli bal tawan nani sip luraskan duri apuba taka.

"Genezaret ra Jisas balan pyuara upla ailal siknis naniba bribalan rakbia dukiara. Manas sip wapas nanikanba slilmikara twilki bribalan kata Jisas barakanba pliskara." — *The Desire of Ages*, p. 383,384.



3 DAWAN HELPKAWAL KAIKANKA KAU BITAR

- a. Dia sturka rait an lalkat Jisas mita upla kwara tarara wisata? Jan 6:26, 27.

"Upla nani diawantkanba kat Jisas daukraskan. Sariwal naku aisan: 'aipliki banhwisma tukin kaikramba dukiara apia sakuna plun pih biamra banhwanba dukiara'. Upla ailal Jisasra plikikan ai brinka wala naniba briaia dukiara. Jisas aisi naku wisata: 'wark taks plun luwiwaikiraba dukiara lika apia, sakuna raia bankaiaraba dukiara. Tasba dukia pyu kunhku briaiaaba dukiara wark takaiaba sinslaka apiasa. Wan spiritka pata dukiara lika aitanisa warktakaia Dawan bila holikirabawal aibanhwaia an bahara wan sinska an karnika aiska mankaia". — *The Desire of Ages*, p. 384.

- b. Jû nani mita Jisasra dia makabi walan Dawan warkka dukiara? Jan 6:29.

"Minit kumra upla nani sin ypankum wina baku rawi buan bara naku aisan: 'Dia dauki banhwamna Dawan aisanka bilakat walaia dukiara?' Witin nani wark karna ailal dauki banhwikan Dawan mita yamni kaikbia dukiara wisi, bara brin daukikan Jisas bilawina walaia dia kau daukaia barasa sapa Dawan kupia laka daukaia. Witin nani aimakabi walankawal wiaia wantkan: Dia dauki banhwamna heven suliaraka takaia? Raia bankaia lakaba briaia dukiara dia praiska aibapaiaba nitsa?

"Jisas mita ansamuni naku wisata: Dawan warkkaba lika witin mita blikan uplikara kasak lukbia.' Hevenra waia praiskaba lika Jisas. Witin sika yabalba, witinra kasak lukaia Gad sipka lupia baku tasba saurka brih sakiba.' Jan 1:29:". — *Ibid.*, pág. 385.

"Wankupia laki wanwina brinka swisisi Jisasra balaia, wan kupiara yaka iwaia, bara wark yamni nani sut yawan daukbiaba lika witinra mayunra yaban kaia.". — *Thoughts From the Mount of Blessing*, p. 87.

"Dawan Spiritka mita wan sinska kwakbia bara wantanka bribia nahki wan watla bilara, priaswatlara an wan tawankara aiwarkka daukaia ba tanka." — *Testimonies for the Church*, vol. 8, p. 18.



4. HEVEN BREDKA

- a. Dia sainka jû nani mita Jisasra makaban? *Jan 6:30,31*. Jisas dia aisan heven bredka dukiara? *Jan 6:32, 33*

"Jû nani mita Moses ra kulkanka tara yabikan twi biarara bred yaban pikanba dukiara, sakuna aiauya tiki banhwan Dawan mita ai albika waikna Moses ra yusmunikanba. Jû nani aisika Moses maparakan an kasak lukraskan Dawan albika kum baku. Nanara, sin spiritka luhpia nani mita Dawan sturka kwakwahkra mapara buan. Jisas aisi naku wisata: Kasak, kasak maiwisna: Moses mita heven bredka maikraskan. Aisikam nanira mana yabanba man nani tilamra buisa. Jisas pali sika twi lawanku Israel luhpia nani tabrikanba an yu banira heven bredka dakakikanba. Baha bredka lika sampla kum bakusa rait aihwa heven bredkaba wal, upla solka nanira dasna dauki an karnikasin yabiba."— *The Desire of Ages*, pp. 385, 386.

- b. Tasba patara baman luki Jû nani mita Jisasra dia makaban? Jisas tawi dia wisata? *Jan 6:34–36*.

"Prakanka kumwal Jisas aisanba Jû nani kakairakan. Moses ku, Spirit Holikira mita yaban naku ulban: 'bredwina baman uplaba raiakabia apia, sakuna Dawan aisanka naniba mita lika'. Prapit Jirimaya naku ulban: 'Bilam holikiraba sakri bara piri; an baha mita lilia tara kupira bahkan' *Klismalkanka 8:3; Jirimaya 15:16*. Jû smasmalkrika nani aitolakat aisanka kum brikan, bred piaia tankaba spiritra iwaia Dawan Lâ ka stadi takaia an wark yamni nani daukaia, bakusin uplara smalkikan Mesaia balbia pyuara uplasutra plun dadakbia. Prapit nani aisankanba aimakan kata Jisas mita upla kwara tarara plun dadakanbawal. Jisas mita naha lisinka smalkikan priaswatlara upla aipaswan kan nanira. Dawan bilaba aitanka brihiakawikan satkata tanka briaiakan Jisas aisi naku wisata: 'Yang sika raiakaia bredka'. Nahwala baku Jisas mita upla kwara tarara plun dakakan baha bredka dukiara aisanba. 'baha bredka pinbawal aikarnika brihiakawanba baku Jisas mita ya witinra kasak lukbiaba nanira raiakaia bredka an bankaia raiakasin yabaia pramis munansa."— *The Desire of Ages*, pp. 386.



5. KLI BUWAIA AN RAIA BANKAIA LAKA

- a. Jisas wal aslatakan kumi banira dia pramiska wal yabansa? Jan 6:37–40.

"Kasak luki Jisas nina blikan nanira wisata, raia bankaia laka bribia. Kumisin tiubia apia.". — *The Desire of Ages*, p. 387.

"Setan mita maiwibara walpara. Man upla saurakira bara Jisasra balpara bitar takmakat sipkama Dawan plikaia. Baku lukisma kaka raiakam aiskara sipapia kama balaia. Saurkam nani dukiara setan kupiamra bribali pyuara Jisas pramiskara luks. Ya yangra balbiaba ban swimna apia. Jan 6:37. Setanra wis Jisas talia mita sikbi klin maidaukan. David aipura sunanba baku dauks: 'supwal sikbi klin aidauks, bara klin takamna; taskiki nanisutba wina aikrika mukus pinhka baku takamna.' *Lawana nani* 51:7.

"Minamra bus an Dawanra bal. Kau wihkawina pat maikaikbia. Kupiam lakikira balmasa kaka, witin mita kiaubi mai alki ai latwankara yamni balanka maikbia. Ai kiamaba wilinkirasa puram sunrara walaia. Minamra buaia traikaikma wina pat witin nutakan kabia. Spirit Holikiraba wankupiara warktakis, wankan wandara walisa wan trabilka taraba, taski lakara iwiba an bahawina pritakaia nitka briba, bara karnika wankisa wanminara buwaia an Jisasra plikaia padin laka an raia bankaia laka wankbia dukiara.". — *Christ's Object Lessons*, pp. 205, 206.

- b. Jû nani brukwikan pyuara dia pramiska dukiara Jisas kli aisan witinra kasak luki nanira? Jan 6:41–51.



MAKABANKA LUAN NANI BA LAKI KAIKS

1. Kwara tarara plun dadakan ninkara witin nani dia daukaia wantkan?
2. Jisas nina blikikan uplika naniba dia pali aisinskara brikan?
3. Jan 6:29 ra Jisas aisanba dukiara man aisas?
4. Spirit raiaka laia karma dukiara Jisas diawal praki marikan?
5. Jû ta uplika nani nahki kler takan Jisas maparakanba tanka?



GALALIRA TRABIL TAKANBA

"Kasak kasak maiwisna: upla luhpia waikna talia an wina pirasma kaka raiaka brima apia." *Jan 6:53.*

"Rait aihwa kasak lukankaba lika Dawan bilara iwaia wan raiaka aiskara."— *Testimonies for the Church, vol. 5, p. 576.*

Kau aisikaikaia: *Testimonies for the Church, vol. 5, pp. 573–580.*

Sandi

Lih wainhka kati 6



Baibil aisikaikaia ba: 1 Samuel 19-21

1. WINARA RAIKA AN JISAS TALIA

- a. Jisas aisankara jû ta uplika nani dia daukan? *Jan 6:52.* Jisas nahki kler munan aiwina an aitalia dukiara? *Jan 6:53–55.*

"Parisi nani praut taki aibila tarawal naku aisan: Nahki naha waiknika selp aiwina wankbia piaia? Sin Nikudimus kataba baku diara aitanka briras pulibanhwan, witin aisata: Nahki waikna almuk kum kli yapti biarawina aisubi takbia? *Jan 3:4.* Parisi nani ria aitanka brikan Jisas aisiba sturka sakuna wilin apiakan painpali nutakaia. Wantkan upla nanira nikbaia Jisas mapara bubia:"— *The Desire of Ages, p. 389.*

- b. Dia tankasa Jisas talia an wina piaia? *Jan 6:56, 57; 1 Jan 3:24; 5:12.*

"Jisas wina piaia an talia diaiaba tanka lika wan Sasakrika baku briaia, witinra kasak lukaia wan saurka nanisutwina padin wankbia, klin an holi lakara wantapakbia heven suliarika kum baku. Ailatwanka tara wan marikanbara kaikaia, bahara lukaia. Dawan bilabawal aibahwaia an bahara pawaia, kau tasbarasa sakuna pat heven suliarika kasak kum baku". — *The Desire of Ages, p. 389.*



2. DAWAN BILA

- a. Kau dia aisanka walawal praki Jisas kler munan? Jan 6:63.

"Plunkum nahki auhnikabiasin yawan piras kaka sip help briras. Pataba piaiasa an wan taliara wankaiasa. Jisas wan raiakara iwi an suaki Sasakra painkira kum baku kakaira takras kaka help apusa. Purataia baman wan nina kristian brisa sakuna wan raiaka palira Jisas iuras kaka bahki baman warktakisa.

"Jisas raiaka wankaia aisiba lika witin aibila holikiraba. Aibila karnikawal upla siknis nani rakan an ulasa nani kanbisakan; aibila karnikawal kabu ripka tara lamni daukan an upla pruan nani raitiwina bukan; an wednis painkira aisiwankan. Prapit nanik patitara aisan kataba Testament Almukra nanara lika witin pali bal wan aisan. Baibil aiskaba lika Jisas mita param sakisa Dawan latwanka lakaba, Jisas brindaukikan ai nina blablikra nani Dawan bilaba staditakbia. Baku lika witin mahka hevenra wabia pyuara, baha bilaba karnika li karma kum baku kabia. Jisas nahki iwanba baku. 'Dawan aisanka bila nanibawina uplaba sipkabia raiakaia'. Matyu 4:4.

"Upla wanwina tarana plun piba mita karnika wankisa, sin tnatkara wan spiritka pataba lika Dawanbilaba. Upla kumi bani selp selp plun piaiasa upla walakum wanpataba sip pibia apia wan biara banhkaia. Dawan bilaba amanpali kulkanka tara yabiwal staditakan kaiasa, ban istikaia lika apia. Baibil textka kum pain stadi taki wansinskara briaia yu aiskara bahara lukikaia. "— *The Desire of Ages*, pp. 389, 390.

- b. Prapit Jirimaya nahki ulbansa Dawan bila piaia dukkiara? Jirimaya 15:16.

"Dawan bila dia witin aisanbakat bilawalisa kaka, swaki sakan lakaba yawan bribia. Dawan bila holikiraba wan raiakara takaskaiasa. Sin plun kum baku piaiasa; baha palisika Jisas talia an winaba, kan baku baman sipkabia yawan karnika briaia. "—*Testimonies for the Church*, vol. 6, pp. 51, 52.



3. SERTS BILARA TRABIL TAKAN BA

- a. Jisas aisanka taka dia trabilka takan disaipil nani tilara?, bahawina yawan dia lantakaiasa? *Jan 6:60, 61, 65, 66.*

"Traikaba uba tarakan. Upla kwara tara selp aikarnikawal Jisasra alki King mankaia lukikataba kauhla takan. Bara upla kwara tara kataba nanara witin nani aitanka brihiakawan, Jisasba Mesaia apia kan brindaukraskan Israel kingka aimakaia. Upla ailalba Jisas sain nani daukibara kasak lukikan aisikniska naniwina rawaia dukiara. Sakuna spirit lainkara Jisas aisiba aitanka brihiakauraskan, naha tasba brinkara baman luki an kaikikan. Baha pyuara smalkanka wahra uplara smalkikan Israel swaki sasakrikaba lika King David trunkara iubia an Roman gabamintka minamuhtawina prisakbia.

"Dawan bila kasakkaba mita param marisika kiaia ma ba plawar ma wina difrantka, upla kwara tara an disaipil nani tilara lukanka naniba tasba dukiara baman kan, bawan laka kumisin apukan, bara Jisas King aimakaia want apiakan kaikan ninkara mahka aininara taki banhwan an kli nanara mapara takan. Naiwasin bakusa kristian ailal wantsa kristian kaia sakuna ainakraba tasbara kaikisa. Dawan bila stadi takisa pyuara aitanka brisa kristian kasak kum kaiaba tasbawal aiblakwaia apiaba tanka. Sakuna wilin apiasa Dawan bilawali daukaia. Baku lika manas aininara tawisa, wala nani lika ban barasa sakuna ainina baman kristian brisa. —*The Desire of Ages*, pp. 391, 392.

- b. Disaipil ailal aininara tawan taim, Jisas mita dia makabiwalan disaipil maltalkahbi purawalra (12)? *Jan 6:67.* Pita aisanba nahki kulkanka yabaiasa? *Jan 6:68, 69*

"Trabil nani ailal tilak, sturi pain an saura nanik, setan mita tihmia baku wan yabalkara bribaliba an wanmina prukaia kiuka mankiba tilak, Dawan mita ailuhpia kasakkira nanira ban lulki swiras, yu ingnika baku blikisa ani uplika wilinba Dawan nina blikiaia an disaipil nani aisataba baku aisiba. 'Anira wamna mansika raiakaiaba brisma'. — *Testimonies to Ministers*, p. 285.



4. NINA BLABLIKRA WINA WAIHLA TAKAN

- a. Jisas kulma blikisa kli aininara tawiba dukiara dia aisaiasa? 1
Jan 2:19. Disaipil nani aininara tawanba dia muni lilia apiakan?

"Upla ailal Jisas nina blikisa kli aininara takan pyuara setan spiritka witin nani sinskara diman. Nanara Jisas wark daukibara kulkanka yabras bahki baku kaikan, kainara lika liliakira nina bliki kataba. Bara parisi nani daknika aikuki aslatakan Jisas mapara buwaia an tnatka plikikan witinra ikaia. Jisas smalkanka naniba saura aitanka brikan an kunin dauki aisikan Jisas aisan wisi; baku plikikan Jisas raiaka sakaia." —*The Desire of Ages*, pp. 392, 393.

- b. Dia takisa wawalra nani upla lukanka nina blikiba? *Roman 16:17, 18.*

"Mayunra uplakumra yabisa pyuara pain aidara walisa. Sakuna diara raitba aisi uplikara lika walras an yamni balankasin yabras. Upla kwaratara Jisas nina blikikanra tukin dauki plun dakakata ninkara mayunra tara dauki Jisasra yabikan ban lawana nanisin aiwanikira. Sakuna Dawan Spiritka mita witin nanira tabriraskan. Kan witin nani kupiara dia baraba Spirit pat kaikikan, tiskupali Jisasra swisi aininara tawi an kli kirtawi ikaia plikaikanba." *Ibid.*, p. 392.

- c. Jisas nina blikisi aininara tawan aikuki ya nanisin aslatakan? Nahki marikan kasak apia kanba? *Jan 6:70, 71.*

"Tempel watlara Jisas raiaka bredka dukiara smalkanba wina Judas laik apia taki lukan saura brin. Bahara Judas kaikan naha tasba kukankara Jisas aisinska mankraskanba. Bara witin Jisas nina bliki ban kabiasa kaka diara kumisin tasba dukia wentakbia apia, bahawina witin ao taukikan sakuna aslapali lika apiakan.

"Jisas smalkanba ninkara disaipil nani tilara lukan namhpa namhpara baldiman, parisi nani Jisas mapara aisiba rait baku kaikikan. Judas, ailukankara lukikan diara tara an sirpi kau naika taura takbiaba, kan Jisaskana tasba dukiara aisinska mankrasba taka mita." —*Ibid.*, p. 719.



5. AIATKRA NINABA

- a. Judas daukanka dukiara aisas? *Jan 12:4–6; Sinslaka 3:32.*

"Judas aisikan Baibil textka wisi sakuna witin aisikan dukia naniba Baibilra apukan, an Jisas aisankawal waraskan. Baha taka disaipil nani tilara kupia turbanka bribal dinkikan an yaban ban namhpaara lukanka brihiakawikan. Sakuna, kaikras kaka Judas lika disaipil kasakkum baku pulikan."— *The Desire of Ages*, p. 719.

- b. Kristian raiakara dia pramiska wankansa trabil tilara pyuara, Galalira kataba baku? Roman 8:28.
-

"Jisas, smalkanka kasakbawal disaipil nanira traika kaikan, baha taka manas aininara tawan, Jisas baku takbiaba pat witin nukan sakuna aikupia pihnika lakara wark painkum daukaia lukikan. Jisas ra waihlra nani mita silakra mankbia pyuara disaipil nani purara traika kaikan balaiakanba dukiara sinskara pat kainamanas ridi daukan. Baha smalkanka daukanbawal param marikan aikingka lakaba naha tasbawina apiakanba taka. Upla kwara tara plun pin ninkara Jisasra King mankaia wilinkataba nanara sin uplika nani mita lawaska kiki aikarma tarawal wisata: "Dusra sas". Kan upla kwara lukankara lika tasba dukiara bamankan witin nani brindaukikan Roman gabamintka minara bawibawina pritakaia. Sakuna dakni sirpikum lika pain aitanka brikan Jisas smalkankara an nukan Jisas warkka kasak tankaba, Dawan Spiritka mita ainakra kwakan bara witin nani wilinkan Jisas nina bliki kaia." *The Desire of Ages*, p. 394.



MAKABANKA LUAN NANI BA LAKI KAIKS

1. Nahki sipsa yawan Jisas talia an wina piaia?
2. Jisas ra kaikaiaba dia tankasa?
3. Dia muni upla kum kum pain aidara walraskan Jisas aisankawal?
4. Ninkara witin nani dia daukan? Baha wina dia yawan lantakaiasa?
5. Spirit lainkara Judas raiakaba nahkikan an lasra dia takan?

**JISAS UTLA PAPAKNI LILIAKARA**

"Jisas smalkankara pain kaikikan, kan aiaisankaba naniba karnakirakan". *Luk 4:32*.

"Jisas nukan upla solka nitkaba. Tasba skulka, an kukanka nanibawal sipapiasa satsipais wankaia. 'Ya diran daukisa kaka, yangra bal'. Lahlakira, umpira, skultara diman kabia nanisut. Witin pramis munisa wan saurka karbanka naniwina res an bilakaika wankaia." *The Desire of Ages*, p. 454.

Kau aisikaikaia: *Thoughts From the Mount of Blessing*, pp. 31–35.

Sandi**Lih wainhka kati 13**

Baibil aisikaikaia ba: 2 Samuel 10-12

1. JISAS RAIKA UTLA BILARA

a. Aiwatla bilakat Jisas dia trabilka bikan? *Jan 7:5*.

"Jisas, witin kau wahma lupiakanwina mahka wark ailal daukiwal aidaukankara pawikan, Dawan bilawalaiaba kau tara kulkikan tasba aisika nani purkara. 'Ulbansa' bara aitaimeka ailal mankikan Dawan bila staditakaiara. Parisi nani smalkiba walikan pyuara aitani aidara walraskan. Wahma lupiawina witin lantakan wihka bilakaikaia lakaba an diara manasra sturi aisaia apiaba.

"Jisas muihnika nani, tasba aisika Josep luhpia nanikanba witin nani lika parisi nanira kulkanka yabikan. An bakusin wan almuka nani iwanka tnatka nanira respek muni kulkanka yabaiaba tarasa Dawan bilawal baku. Kauban luki banhwikan wan almuki nani tnatka iwanka naniba kau tarasa Dawan bilawal prakbiasa kaka. Naha Josepka luhpia nani mita aitani kaikraskan Jisas daukanka an smalkanka naniba. Kan Dawan lakara uba kulkanka tara yabikanba taka mita. Jisas nahki sinslaka tarawal parisi naniwal aisikanba kaikan pyuara Josep luhpia nani taiwan, kan Jisas lika skuldimraskan sakuna nuapiakan Dawan bilawina Jisas diara ailal lantakanba tanka." *The Desire of Ages*, p. 86.



2. JOSEPH LUHPIA NANI

- a. Joseph luhpia nani mita Jisasra dia win tentwatla lilika pyuara?
Jan 7:3, 4

"Josep luhpia nani aitani kaikraskan Jisas daukanka parisi naniwal asla takraskanba. Bansin lukikan parisi nani airaitka brisa, an Jisas lika mistikrasa witin nani mapara buiba. Ao witin nani kaikikan Jisas raiakara diara saurakumisin daukraskanba. Galali tawankara wark yamni Jisas ailal daukanba baku Josep luhpia nani wantkan Jerusalemra bal daukbia parisi tarkika nanira marikbia. Rait witinba Mesaiasa kaka. Naku lukikan bilakaikanka tarabriwal.

"Josep luhpia nani mita kli kli Jisasra win Jerusalemra wabia. Nahawina takiwas Judea tawankara, disaipilkam nani kaikbia sain tara nani daukisma dukia naniba. Kan uplakum diara yamni daukiba sip yukwanra dauki kapras. Warkkam yamni nanibawal param taks tasbara iwiuplika nani mawanra. Ao, Josep luhpia nani mita Jisasba Mesaiakum baku lika kasak lukraskan. Diakan sibrin bakusmaba. Karnika brismasa kaka sibrin apuwas Jerusalemra an diara rait daukismaba mariks sin Galalira daukramba baku. Buiwas sibripara Jerusalem lamakir upla umpira nani baraba helpkara sin tukin dauki mariks. Baku parisi an pris nani nakrara yamni maikaikan kabiasa. An upla kwara wal aslataks kingkam lakaba tasbara mahka bapaia.
"— *The Desire of Ages*, p. 450.

- b. Muihni nani tilara trabilkum baraba dukiara aisas? *Salmo 86:14.*

"Josep luhpia nani spirit lainkara lika lukanka kumisin apukan ai nakraba tasba brinkara baman kaikikan. Upla kwara tara mita Jisasra King mankaia lukikan tilara Josep luhpia nanisin barakan, sakuna kaikan Jisas brindaukraskan taim upla ailal ainanara tawiwamba tilara Josep luhpia nanisin aininara tawiwanda kata." —*Ibid.*, p. 451.



3. LUKAN SAT SAT JISAS DUKIARA

- a. Upla nani tilara dia lukanka sat sat brikan Jisas dukiara? *Jan 7:11, 12.*

"Jisas warktara an tukin daukiba dukiara Jerusalem aiska lamakir sturkaba plapi tawan ani anira ju nani baraba sutra; ao kati nani ailal luanra Jû nani lilika tilara Jisas waraskan, sakuna upla ailal witinra bilakaikanka brikan. Utla papakni liliaka daukibara upla ailal kuntriwala naniwinasin balikan, Jisasra kaikaia dukiara. Liliaka taura makabiwalanka ailal barakan. Parisi an Jû uplika tara nani bilakaikikan Jisas bahara balbia alki silakra mankaia dukiara. Bara pana pana upla nanira wali taukikan: Jisaska balanki? Anirasa? Sakuna upla kumisin nuapiakan. Parisi nani sia upla kumi mitasin Jisas dukiara param aisaraskan Mesaia baku. Bansakuna upla nani tilara aisibanhwikan Jisas warkka yamni dukiara, hevenwina blikan kum baku, sakuna tilarasin aisikan uplara kunin mamunra kum baku."— *The Desire of Ages*, pp. 451, 452.

- b. Nahki Jisas mita bila prakan upla nani lukan sat sat witin aidukiara brikanba? *Jan 7:14–18; Luk 4:32.*

"Utla papakni liliaka daukikanba pyuara, upla ailal Jisas dukiara ban lukanka sat sat aisikanra Jisas baldiman kata tempel watla yarka bilara upla ailal witinra kaikikan taim. Kau Jisaska balraskan kainara lika upla nani aisikan parisi nani sia Jisas balras utla papakni liliaka tilara. sakuna bal pahtakan taim uplasut ta iwan. Upla kumisin sturi aisaraskan nahki Jisas aiwaihla nani tilara sibrin apu balanba dukiara." —*The Review and Herald*, 27 de junio de 1893.

"Jisaska sibrin nansin apu aiminara tih buan an uplara Dawan bila tihuka tanka smalkan Ebrahim an Moses pyua naniwina Dawan prapitka ulbanka sturka naniba. Dawan pramis daukanba hevenwina swaki Sasakra kum blikai dukiara. Upla nanisut aman pali witinra walikan Jisas smalkankaba kler, isi sakuna tihu palikan an karnika tarawal aisikan heven wina blikan kum baku." *Ibid.* pp. 452, 453.



4. JISASRA MISBARA KAIKAN

- a. Dia Jisas kaikan Jû tauplika nanira, dia makabiwalan? *Jan 7:19.*

"Parisi nanira Jisas mita param marikan witin Dawanba tanka aikupia lukanka aisikaikaia sipba tanka. Betesda ra upla siknis rakanba pyuawina parisi nani plikikan Jisasra ikaia, baku tnatkara witin nani Dawan Lâ ka krikikan ao uba la kakulkra pulikan sakuna. Jisas mita naku wisata: Moses mita la ba maikan apia, sakuna man nani bahara kulkras. Diakan yangra ai ikaia plikisma?"— *The Desire of Ages*, p. 456.

- b. Jû nani mita Jisasra dia dukiara dusa kuhbikan, Jisas dia ansa munan? *Jan 7:20–23.*

"Jisas wark yamni daukikanba dukiara setan spiritka mita parisi nani nakrara saura baku yaban kaikan. Jisas bahara aisinska mankras kauban aitura wark yamni daukikan sabat yuara upla rakikan, ju nani lukikan wark yamni sabat yuara daukaiaba sin apia. Tuktan waikna lupia pat baikanbawina wikkum alkan pyuara wan aisa sainka mankikan sabat yuara kabiasin. Sin baku upla sikniskira kumba sabat yuara rakaiaba saurka apiasa." — *The Signs of the Times*, 25 de marzo de 1897.

- c. Jisas aisanka bila tihukaba dukiara aisas? *Jan 7:24.*

"Roman Soldyarka an tawan uplika ailal naku aisan: Kaiks naha waiknikara alki silakra manki ikaia pliki kataba, bara nanara witin karnika tarawal an sinslaka kat Dawan bila smalkisa. Parisi nuapaiasaki sin Jisaska witin nani plikiba alkaia." — *Ibid.*, p. 457.

"Jisas mita upla mawanka kulkras, yawan upla lika purataia baman kaikisa sakuna Dawan lika upla kupiara dia baraba kaikisa an nusa. Ani uplika bawikira kasakka laka brindauki plikiba witinra param takan kabiasa." — *The Signs of the Times*, 21 de octubre de 1897.



Baibil aisikaikaia ba: 2 Samuel 19-20

5. UPLA MITA DAWAN LAKA DAUKANBA

- a. Baibil dia aisissa upla sinska dukiara patitara wina sakuna kaupali naiwa las tnatar? *Aiseya 59:14, 15.*

"Setan suliarika naniba aslataki kau karna taki banhwisa. Naha tasbara las war tara aiklabaiaba dukiara. Tisku pali naha tasbara diara ailal chenstakan kabiasa, bara isti diara ailal takbia uplasut sipkabia kaikaia.

"Setan mita naiwa laspyua iwi uplika nanira yaban diara wahra baman daukisa selp aiwinakat kaikisa latwan lakaba kauhla takansa. Upla umpiraba ailal palisa plun wahwan tilara inisa ban Dawan kiamakat uliwisa."— *Testimonies for the Church, vol. 9, pp. 11, 12.*

- b. Naiwa upla lukanka sat sat briba tilara nahki Dawan aisanka nina blikaia aitanisa? *Aiseya 55: 8,9.*

"Upla sinska sirpiba sin heven tanka tihura naniba sip nutakras, ao diara ailal lika Dawan aibila holikirara prapit nanik kler aisansa sakuna bahasin sip tanka briras kan setan mita upla sinska naniba tihmia daukanba mita. Smalkanka wahra nani ailal takanba mita Dawan bila kasak kaba saitra laki swinsa, upla lukanka an aidulra mayuni dakni nani daukanka nina blikisa." *The Great Controversy, pp. 344, 345.*

"Dawan dia wantba lika aiuplika nani pawanka tara bribia an Lâ Matawalsipra diara aisan naniba tihukawina aitanka brinkabia."— *Testimonies for the Church, vol. 8, p. 63..*



Baibil aisikaikaia ba: 2 Samuel 21-22

MAKABANKA LUAN NANI BA LAKI KAIKS

1. Jisas pawan watlabila nahki kanba dukiara aisas?
2. Nahki naiwa sin kli Jisas muihni nani lukanka barasa?
3. Upla nani tilara nahki lukanka sat sat barakan Jisas dukiara?
4. Aisas nahki Jû tarkika nani Jisas maparakan an misbara kaikikan?
5. Upla lukanka an Dawan lukankawal nahki satwalaba dukiara aisas?

**NAHA WAIKNIKA BAKU UPLA AISARAS**

"Soldyar nani naku ansa munan: ¡Naha waiknika baku upla aisaras!" Jan 7:46.

"Diara raitba tanka kasak aihwa briaiaba yaka wan raiakara iwaia an bahara takaskaia. Jisasba sika diara raitba sturikum baman lika apia, witinra mayunra yabaiasa." — *The Desire of Ages*, p. 455.

Kau aisikaikaia: *Testimonies to Ministers*, pp. 506–512.

Sandi**Lih wainhka kati 20**

Baibil aisikaikaia ba: 1 King 1-2:25

1. UPLA NANI LUKANKA JISASRA

- a. Jisas smalkanka walan an witinra kaikan pyuara. Jû nani kum kum dia makabiwalan? Jan 7:25, 26.

"Jerusalemra upla ailal barakan Jisas smalkanka walikan, an witin nani pain nukan parisi nani mita Jisas smalkanka maparaba dukiara, sakuna karnika kum mita aubi Jisasra bribalikan. Jisasra Mesaia baku kasak lukikan." — *The Desire of Ages*, p. 457.

- b. Jû an parisi nanik nahki setan namhpara lukanka bribalan? Jan 7:27.

"Setan mita upla kupiara namhpara lukanka bribalikan; bamita selp aismalkanka wahrawal uplara marikikan Mesaia balaiaba dukiara. Ao, upla ailal lukikan Jisasba betlehemra aisubi takbia, sakuna baha wina pyua ria lubia ninkara laptiubia, bawina kli baltakbia aima walara sakuna upla nuapia kabia aniwina balan sapa. Baku kli tani walara upla ailal lukikan Mesaia balbia sakuna uplawal aisabia apia. Bahasat lukanka wahra ailalkan bara Jisas aisubitakanbara kulkanka yabraskan Mesaia kum baku kan witin nani ailukanka an aismalkanka kat balras kanba mita. Parisi nani aisi naku wisata: Naha Jisaska yawan nusa aniwinaba, sakuna Mesaia balbia pyuara upla nuapia kabia aniwina balan sapa." — *The Desire of Ages*, p. 457.



2. SAURA DAUKAIKANBA ALKI TAKASKAN

- a. Jisas kaikan upla nani namhpara lukikanba. Dia wisata? *Jan 7:28.*
-
-

"Baha minitka upla ailal namhpara lukikan, Jisas pat kaikan lukanka naniba bara naku wisaata: 'Yangra aikakairasma an nusma ani winasnabasin; yakan selp yang balras, yangra aiblikanba lika kasak kira man nani witinra kakaira apiasma' Parisi nani lukikan Jisas aniwina witin nani nusa, sakuna rait apiakan. Dawan kupia lakakat iwikan sat kata, Jisasra Mesaia baku briaiakan." (*El The Desire of Ages*, p. 457.)

- b. Jisasra patka kumisin sakraskan pyuara Jû ta uplika nani dia daukan witinra alki takaskaia? *Jan 7:30.*
-
-

"Wawalra nani sip aitanka briraskan Jisas aisankaba. Kler aisan parisi tarkika nani mawanra, witin wisata Dawan Luhpia baku. Bahawina witinra ikaia pliki banhwan, an nanara traikaikikan alki priski silakra mankaia. Sakuna heven ensalka nani mita swiraskan Jisasra wilki silakra mankaia." (*The Desire of Ages*, p. 457.)

- c. Upla ailal Jisasra kasak lukikan kaikan pyuara Jû ta uplika nani dia daukaia luki banhwan? *Jan 7:31, 32*
-
-

"Parisi tarkika nani Jisas smalkanka walibanhwikanba kaikan upla ailal Jisasra kasak lukisa Mesaiaikum baku, kauban taura wabia wantapiakan brindaukikan Jisas warkkaba alki takaskaia. Sakuna upla nani sia sip alki silakra brihwaraskan. Wantkan Jisasra alkaia yakan kabia awarkara. ". —*Ibid.*, pp. 457, 458.



3. PAIWANKA

- a. Jû nani lilia briaia yua lasra, diawal Jisas prakanka dauki upla nanira bilakaikanka yaban saurka albika wina pritakaia?. *Jan 7:37, 38.*

"Dawan bila wankupiara brisa taim dikwa stemka baku uliwi danhtakras, apia bukit unta brikan iswi danhtakriba baku sin apia. Sakuna li karnakum iswiba laya aubiba danhtakrasba bakusa. Bara li diran dauki uplika nanisut sipsa bahawina diaia an aikupia dasni daukaia. Dawan bila wankupiara takaskisa pyuara tingki kum baku aubisa an kau kau tihu takisa an tingnika bilabasin kau tara takisa. Bara tingnika lamakir dus nani pawiba wahiaba sangni painkiras li pain briba taka mita. Mani pyuara lapta karna mita twi an dus nani sut yaban pruisa taim tingni lamara dusa nanilika pruras tasba muhtak aiwakiaba tingniwina li briba mita.

"Dawan luhpia kasak naniba sin bakusa. Dawan bila holikiraba mita raiaka an karnika wankisa, ao nahki sat trabil tilara kabiasin bamita ban wankan drinh swaptas. Spirit Holikira mita sinslaka an karnika wankisa diara tara an tihura bara naniba tanka briaia, kainara bahki kulkikan dukia naniba nanara kulkanka tara yabisa." — *Prophets and Kings*, pp. 233, 234.

"Setan albika lakara iwi uplikaba bilakaikanka apusa prilaka briaia, sakuna ya Jisasra balbia naniba wisa: 'Bal an li dih amya pah taks' *Jan 7: 37.* — *The Ministry of Healing*, p. 179.

- b. Naha paiwanka daukanba nahki sipsa pain wantanka briaia? *Jan 7:39.*

"Gaspel sturka smalkanka bapanka taraba Jisas mita uplara param smalkan. Dawan bilaba sin raiaka laya kum bakusa Dawan trunka wina baltakisa". — *Testimonies for the Church*, vol. 8, p. 309.

"Wan nina baman lika kristian brikaia apiasa sakuna Jisas wanraiakara iwikaia. Bara wan aisanka, wan daukanka wan iwanka nanisutba kasak wapni an holi lakara baman kabia. Upla wan kaiki naniba wednis painkira kum bribia Dawan karnika wan raiakara wartakiba taka. Dawan brindaukisa aiuplika nanibak aikarnika tasbara marikaia, sakuna kumi bani nitsa airaiaka Spirit Holikira mihtara mankan kaia." *Ibid.*, vol. 5, p. 581.

 Baibil aisikaikaia ba: 1King 8

4. STURI AISAN UPLAWALA BAKU APIA

- a. Raiakaia laya dukiara Jisas aisan pyuara upla nani sinskaba diaurakan? Jan 7:40, Klismalkanka 18:15.
- b. **Upla kum kum Jisas smalkankara kasak lukan, sakuna wala nani dia daukan? Jan 7:41–44.**
- c. **Dia adarka parisi nani mita soldyar nanira yaban? Juan 7:45. Dia muni sip Jisasra alki silakra bribalraskan? Jan 7:46**

"Papakni liliaka las yuara, parisi nani mita soldyar dakrakum blikan Jisasra alki silakra bribalbia dukiara, sakuna Jisaska bribalraskan. Parisika nani mita praut taki makabiwalata: "Diakan Jisasra alki silakra bribalkan? Pana tawi naku ansa muni banhwan: "Waikna kumisin Jisas aisiba baku aisaras".

"Soldyar nani dukia karnakira, sakuna Jisas smalkankara tatatwan kata. Jisas tempel yarka bilara smalkikan pyuara soldyar nani lamara balankan bilakaikikan diara watawikum aisabiawal alki priskaia. Sakuna Jisasra walikanbawal auyatiwan dia dukiara balan kataba. Uba pain an laiktakan smalkankaba. Jisas mita ai kupiara dia baraba kler sakan. Soldyarka nani kaikan parisi nani kaikaia wantapiakanba: Dawan mawan ingnika Jisasra kanba.". —*The Desire of Ages*, p. 459.

"Jisas ai smalkankara yus munan tasbara paskan dukia nani baraba upla kakaira dukia naniba. Upla kupia naniba ridikan saumuk mâ ba tasba yamni kum bakura briaia. Heven brindaukiba param marikan wawalra kumibani helpkara. Upla nani walikanra marikan Dawan latwanka tara witin nanira briba dukiara. An aismalkankaba karna, wapni an holi lakarakan parisi nani smalkanka purkara. Jisas smalkanka naniba isi an tanka kat sakuna karnika tara brikan wawalra nani kiamara an nakrara. Soldyar nani Jisasra priski bribalbia wisi blikan nani kli tawibal naku wisata: 'Waikna kumisin Jisas baku aisaras'. Parisi nani mita Jisasra misbara kaikikan tankaba lika witin nani airaiaka naniba wahra, taski an purataiabaman kanba mita." — *Testimonies for the Church*, vol. 5, p. 747.



Baibil aisikaikaia ba: 1 King 9-11

5. KASAKKA PLAPLIKRA KUM DIARA SAKANBA

- a. Pris nani mita nahki soldyar nani kiama auban? *Jan 7:47–49.*
- b. Aisas Nikudimus tihmiara Jisaswal aisanba. Baha taka nahki witin Jisasra kasak lukan? *Jan sapta 3, Jan 7:50–52..*

"Nikudimus, witin Dawan bila kasakba aikupiara brikan, mani yumhpara param takraskan. Ao, uplasut mawanra lika Jisas nina blikraskan, sakuna Jû tarkika nani tilara aima ailal Jisasra ikaia traikaikikan pyuara swin daukraskan.". *The Acts of the Apostles, p. 104.*

"Jisas mita lisin painkira Nikudimusra baha tihmika smalkanba bahkira apiakan. Jisasra kasak lukan Mesaia baku. Spirit Holikira mita nakra kwakan bakusin sinslaka an karnika yaban Testament Almurka prapit ulbanka nani tihuka tanka kasak aiskasut briaia Jisas dukiar aisan naniba.

"Jû tarkika nani aslatakan pyuara Nikudimus sinslakawal sturi aisan, baha uplika nani setan mita kunin munan taka sip aitanka briraskan. Jisas mapara aisibanhwikan, witin nani bilakaikikanba baku balraskanba mita. Tawi Nikudimusra wisata: 'Mansin Galali winasma ki? Turbikaiks, Galali tawankawina prapit pat takansa sapa.

"Setan wantkanba baku parisi nanisutra kunin munankan aisi banhwikan Jisasba Galali tawankara aisubitakan. Tilara kum kum lika nukan Jisas aisubitakanba lika Betlehem tawankara, sakuna witin nani diara aisaras saptaki aibila prakan kata. ". *The SDA Bible Commentary [E. G. White Comments], vol. 5, p. 1136*



Baibil aisikaikaia ba: 1 King 12-13

MAKABANKA LUAN NANI BA LAKI KAIKS

1. Dia muni Jisas yaban upla nani witinra aman walikan?
2. Nahki parisi nani traikaikakn Jisasra alki silakra mankaia?
3. Upla kwara tarara dia winanka Jisas daukan las lilika yuara?
4. Jisas smalkanka taka nahki upla ailal lukanka sat sat takan?
5. Nikudimus raiakara lukiwal nahki walkira sipsa helpmunaia?.

Pas sabat kaliksanka

Misaniry warkka daukaia helpka tasba aiskara

Naiwa sturi yamniba kau aisisa.

Wan sertska banira nitka tara barasa misaniry warkka daukaia dukiara kli rawi buwaia. Serts membarska kumi bani stadtakaiasa nahki tnatkara Dawan bila smalkankara tabaikaia, wan kuntri bilarakat an biara kuntrira sin baku. Dawan mita aiwarkka tatakra nanira aisisa wabia tasba wala nanira kau kiama ailal walras pliska nanira. Upla ailal pali wilinkira barasa wanbila kaikisa yawan wabiaba. Dawan ensalka nani lilia an wilinkira barasa wan kan kahbaia gospel sturka yamniba brihwabia dukiara.



Dawan aisertska naha tasbara bapansa misaniry warkka daukbia dukiara, an Dawan brindaukisa yawan sut wan kukanka, wan karnika an wan sinska lakawal aiwarkka daukbia sturi yamnina brihwabia lahlakira an umpire nanirasin baku. Yawan sut lika biara kuntrikara sip wabia apia, sakuna sipsa wanpura sunanka an wan presantka nani yabaia wan muihni an wan lakrika nani bahara auyabara tabaikaia dukiara.

Stechs tasbaiara diara aiatkra waiknika kristian kasak kum naku aisan: Yu aiska bilara yang traikaikisna warkki pliskabawina Dawan warkka daukikaia, upla kumi baniwal aisisna pyuara marikisna Dawan bila kasakkaba an latwankabasin. Chans brisna pyua banira traikaikisna Dawan sturka aisaia upliki wala nanira. Bara tihmiara suapi mahka yapunara shaini kuntrikara waikna kumra yari warktakisna gospel sturka smasmalkrika baku.

Kau aisi naku wisata: “Wahma kapri pyuara misaniry baku wark taki kapri idan nani tilara. Sakuna papiki pruan ninkara ai bisniskaba yang mihtira briri, bansakuna helpmunisna misaniry warkka dadaukra nani biara kuntrikara baraba. —*Testimonios para la Iglesia*, tomo 6, pp. 37. 38

Ao, yawan sut lika sip kuntri wala wihkara waras sakuna tnatka wala barasa helpmunaia wan daimka nanibawal.

Muikam nani afis lalka taraba wina



YANG SIN PATRA MAIDINKRAS

"Yangsın pat maidinkras; was, an kau saura yapara." (Jan 8:11.

"Kristian kupiara latwan laka baraba mita aiwalkara ban isti patra lakras, sakuna istikaiasa upla aikupia lakanba kaikaia an padin munaia, tabaikaia, yabalwina saitra tawan nanira kli yaka balaia."—*The Desire of Ages*, p. 462.

Kau aisikaikaia: *Testimonies for the Church*, vol. 2, pp. 73–77.

Sandi

Lih wainhka kati 27



Baibil aisikaikaia ba: 1 King 16-18

1. JISASRA MINARA BATAKAIA KIUKA MANKAN

1. Jisas tempelra smalkikan pyuara, parisi an aiulbra nani diadaukan? Jan 8:2–3.

"Jisas wark daukikanbara minit yaban takaskan. Parisi an aiulbra daknikum Jisasra balan traika kaikaia dukiara. Mairin kumra raski bribalan dusakuhbikan naha mairka marit laka krian wisi."—*The Desire of Ages*, p. 460.

2. Dawan Lâ kara uba kulkanka yabisa puli, dia makabiwalanka parisi nani mita Jisasra walan? Jan 8:4–6.

"Kaikras kaka parisi nani mita Jisasra kulkanka yabi bakukan sakuna yukwanra plikikan nahki witinra sauhkaia. Jisas dia aisabiaba wal witinra pat mihtara kahbaikan. Bankra mairkara patdinkras kaka wiaiaikan Lâ Matawalsipra kulkanka yabras. Apia mairkara patkira wibiasa kaka Roman nani mihtara mankaikan, kan Roman nani baman karnika brikan upla laka daukaia." —*Ibid.*, pp. 460, 461.



2. RAITBA PARAMRA SAKAN

- a. Jisas mita parisi nani kuninkara dia ansika yaban? *Jan 8:6.*

"Jisas minitkum diara takinara kaikan: mairkaba tatatwikan aiswa kira, parisika nani mawanba karnakan, umpira kaikanka laka kumisin apu. Jisas, witin sunu an holi baku aimawanra bawan. Pain nukan parisi nani lukan painwal balraskanba tanka. Jisas lika uplika dusakakuhbra nani kumi bani raiaka tanka pain nukan. Naha parisika nani mita mairka umpirara brihwan saurkara, witin nani wantkanba Jisasra traika kaikaia dukiara. Jisas, witin parisi nani aisiba walras baku ailal maku tasbara ulbikan."— *The Desire of Ages*, p. 461.

- b. Jisas dia daukan dusa kakuhbra nani palisin patkira kanba marikaia? *Jan 8:7–9.*

"Dusakakuhbra nani mayara kahwan. Nanara uba kasakkira puli banhwikata aidarawalan, Jisas mawanra airaika sutba yukwanra apuba dukiara, saurakira aidara wali banhwan kan diara yukwanra daukan naniba sut param Jisas sakanba mita; kum kum ailal makupi bin kumisin daukras plapi banhwan kata. Mairka yakan takaskan."— *The Desire of Ages*, p. 461.

- c. Jisas mita dusa kakuhbra nanira aisanbawina yawan dia lantakisa? *Luk 6:42.*

"Upla ailal barasa witin nani wantsa diara manas watawi kaikiba wapnira mankaia. An bansin lukisa mistik takan uplikaba warkkawina sakaiasa an witin nani bahara aimakaia. Warktatakra nani aitolakat saurka dukiara aisisa warksip pain daukras wisi. Naha sat uplika nani lukisa witin kau wark pain daukaia sipsa pawanka ailal bribalaia. Bahasat uplika naniba Dawan Spiritka Holikira mita tabriras, yakan traikaikisa an setan mita kunin munisa bara uba sipkira pulisa, sakuna witin nani pali kau siapiaba lika aidarawalras."—*Testimonies for the Church*, vol. 7, p. 279.



3. DAUKANKAKUM BILAKAIKRAS

- a. Dusa kakuhbra nani mahka swisisiwan ninkara dia Jisas mita mairkara makabiwalan, nahki naha taka mairka chenstakan? *Jan 8:10, 11.*

"Mairka Jisas mawanra buikan, ailal makupikan sibrinkira. Jisas naku aisan: 'Man nani tilamra ya saurka apusa kaka walpa pas lulks', kaikras kaka pruaia patkara kahbi bakukan. Mairka ailal buki Jisasra kaikraskan, bilakaikikan walpa aiwinara prukbiaba baman. Ta iwan dusa kakuhbra nani mahka tawiwana kaikanra; bara sturi painkira kum aikiamara walan: 'Yangsina patra maikinkras; was an kau saura yapara'. Aikupia tatatwan, bara Jisas minara kahwan, inikira ai saurka dahra param sakan.

"Mairka aidarawalan nanara witin airaiaka raiakum takrikisa, klin, kasak an Dawan yabalkara. Naha daukankawal Jisas mita mairkara bukan an tukin tara daukan winatara sikniska an spiritka sikniska sinsut rakan. Baha ninkara mairkana Jisas nina blablikra painkira kum takan kata. Mairka witin uba tingki lukan Jisas latwanka laka an padinka witinra yabanba dukiara. Tasba uplika nani mita mairkara lawaska kiki an mayara kulkikan sakuna Jisas mita witinra alki kli bukan. Parisi nani mawan wal mairkara dusakuhbikan pyuara Jisas mita wisata: 'Was an kli saura daukpara' ". *The Ministry of Healing, p. 89.*

"Jisas naha mairkara padin munanba an tabaikan raiaka klin lakara iwaia, Jisas daukanka kasakba wan marikisa. Ao, saurkaba sirpi lupia baku lika kulkraskan an pat apu bakusin apia, sakuna patra kahbaia lukanka apukan, sakuna wantkan swaki sakaia. Upla nani mita mayara kulkikan mairkanara an lawaska kikikan. Sakuna Jisas mita bilakaikanka yaban."— *The Desire of Ages, p. 462.*

- b. Dawan tingkika laka upla swaki sakiba dukiara aisas. *Luk 7:37–40, 47, 48.*

"Upla kumi bani trabilka Jisas kakairasa, saurka karbanka wihra pali twilkiba nitpalisa swaki Sasakra kum briaia. Dusprignira warktara daukanbawal Jisas brin daukisa upla sut witinra kasak luki swaki sakan laka bribia."— *The Ministry of Healing, pp. 89, 90.*



4. MAIHSANIHKRA BILA UPLASUT WALAN

- a. Wan daukankaba nahki kaiasa wan walkawal, nahki baman naha sipkabia? 2 Korint 1:3–5.

"Trabil nani wanpurara baliba bahara yawan kaiki ban drinh swapaia apiasa. Spirit Holikira mita wan tabrisa kaka wan daukanka, naniba wapnira kabia. Dawan kupia lakakat wapi waiknika an aiuplika mapara diara apuba witin umpira kapras. Misbara, brukwan laka aikupiarra apusa, nahkikat trabilkabiasin witin Dawan mawanra iwisa".— *Testimonies for the Church, vol. 5, p. 488.*

"Jisas, witin panistarak luanba taka sipsa wan tanka briaia an wan maihsa nihkaia. Upla wantrabilka naniba sut witin painpali nusa kan bakluanba mita an sipsa aihelpka wankaia witin puraluan baku yawansin puralubia dukiara. Aiseya 63:9; Hibiru nani 2:18. Jisas nina blablikra kumi bani bahak luwankaiasa."— *Thoughts From the Mount of Blessing, p. 13.*

- b. Jisas minataibankara wapi naniba dia bilakaikanka brisa? 2 Korint 1:6, 7.

"Kasak lukrasmaki Jisas panisbrinba baku yawansin briaiaaba; baha nani tihmiara ban tauki naniba dukiara wihrika kum damra walras maki? Baha nanira helpmunaia dukiara lahlikam, karnikam an taimkam mankaiaaba wilinsmaki? Baku apiasa kaka heven kingka lakara pliskam apukabia. Hevenra waia uplika kumi bani naha tasbara swapraskira warktakaia nitsa." —*Testimonies for the Church, vol. 9, pp. 103, 104.*

- c. Dia daukanka kau nitsa ensal yumhpa smalkankara kasak luki naniba? 1 Korint 13:13, 4–8.

"Dawan Lâ ka kakulkra kumi bani nitsa wihka bilakaikanka lantakaia, bapi ban buikaia, latwan an prilaka paliba wantilara ban barakaiasa".— *Ibid., vol. 6, p. 398.*



5. KAHWANBAWINA KLI BUKAIA

- a. Kristian kasak naniba dia daukbia aiwalka saurkara kauhbia pyuara?
Galisan 6:1–3; Roman 15:1–3.

"Setan mita traika kaiki batakan naniba yawan helpmunaia kli bubia dukiaara. Sakuna prautlaka an karna muniwal lika apia, sakuna bawan lakawal. Dusakuhbaia warkkaba Dawan Spiritka wina apia, sakuna kahwan wina klibukaiaba lika; yawan kumi banisin wandara walikaiasa sin tnatkara setan mita wantraika kaikbiara sia. Wan muihni an lakrika nani kahwanba kli alki bukaia Dawan Spiritka karnikawal, sakuna saitra lika swiaia apiasa: 'Man uba saura daukram yangra swiri paskras, sip help maimunamna apia. Wantilara upla kumisin parisi nani baku uba kasakkira pulaia apiasa an aimuihni walara taski kulkaia sin apiasa. Baha spiritkaba setan wina wankupiara bribalisa bara wan nakra blain baku takisa sip wan swapnika naniba tanka briras.'". — *Testimonies for the Church, vol. 6, pp. 398, 399.*

"Kristian kasakkumba witin aimuihni kahwanbara lulki swiras, traikaikisa nahki muni kli witinra bukaia. Dusakakuhbra nani raiaba lika witin nani kau saurasa Dawan mawanra aiwalka naniwal. Tasba uplika nani mita saura dadaukra nanira misbara kaikisa sakuna saurkara lika latwan kaikisa. Jisas lika saura dadaukrara latwan kaikisa an saurkara misbara kaikisa." — *The Desire of Ages, p. 462.*



MAKABANKA LUAN NANI BA LAKI KAIKS

1. Parisi nani mita Jisasra kahwaia kiuka mankanba dukiara aisas
2. Jû nani mawanwalba dia makabiwalan Lâ dukiara?
3. Mairinra dusa kuhbikan nani dia selp aiwinakat aitanka brin?
4. Nahki Jisas mita mairkara bilakaikanka an padin laka yaban?
5. Nahki yang Jisas baku walki kahwanbawina bukaia sna?

**JISAS, TASBA INGNIKA**

"Aimawalara Jisas aisi wisata: 'Yangsika tasba ingnika; ya niniblikiba tihmiara taukbia apia, sakuna raiakaia ingnika bribia.'" *Jan 8:12.*

"Kati an slilma naniba selp yakan ingnika apusa ai ingnika sakiba lika yu wina ingnika briba mita, sin tnatkara naha tasbara upla skultara diman naniba selp sinskira takras, Jisaswina sinslaka brisa, ban yakan aikarnikawal lika apia." — *Education, p. 14.*

Kau aisikaikaia: *Testimonies for the Church, vol. 1, pp. 405–409.*

Sandi**Lih mairin kati 4**

Baibil aisikaikaia ba: 2 King 11-13

1. PASKAN DUKIABA WANKUPIA KRAUKAIA

- a. Yu kumira Dawan dia dukia paskan? *Blasisturka 1:3–5.*

"Taura, Dawan bila papaskraba mita yaban ingniba baltakan tihmiabawina, bara ingniba ai ingnika sakan." — *The Desire of Ages, p. 464.*

- b. Ya Jisaswal asla tasbana paskan? *Blasisturka 1:1, 2; Jan 1:1, 2; Kolosi 1:16.*

"Taura, paskan dukia nanibak Dawan aikarnika marikan. Jisas mita kasbrikaba sityapa baku palkan an tasba plamaiaba bapan. Witin mita naha tasbara prana painkira daukan an pasa minara lawana nani mankan. An baha dukia nanisutra Dawan latwanka sturka ulban." — *Ibid., p. 20.*

"Jisas mihtaba sika tasba nanisut alki briba swin kauhras, an sin mihtawal yaban paskan dukia nanibasut adarkat aiwarka daukisa swapraskira, sin baha mihta painkira sika dusprignira swaki wansakaia dukiara saban kanba." — *Education, p. 132.*



2. INGIKA KUM TWILAWANRA

- a. Nahki Israel luhpia nanira tapakan twilawanku? *Impakan sturka 13:21, 22. Dawan ingnika nahkikan tihmiara an kaknara? 1 Korint 10:1-4*

"Dawan aiuplika nanira param takiba, ingniba lika patrankumsa Dawan wantilaraba tanka. Dawan aibila karnika tarawal ta palira ingniba paskan tihmiaba wina. Israel luhpia nani twilawanra wapikan pyuara klaut mina ingnikaba kaknara ta brikan an tihmiara klatka minaba pauta takikan." — *Los Hechos de los Apóstoles*, p. 199.

- b. Dia Dawan pramis munansa aiuplika nanira kankahbaia? *Lawana nani 105:39; Aiseya 4:5, 6.*

"Prapit Aiseya ulbanka kau pain an maihsanihkra wankiba lika Israel luhpia nanira Dawan kankahbanba twilawanra klaut mina ingni kaknara an pauta baku tihmiara. Bakusin las aiklabankara Dawan luhpia nanira main kaikan kabiasa." — *Patriarchs and Prophets*, p. 283

- c. Dawan nahki saina ilra param takan, Moses an Israel luhpia nani dia daukan? *Impakan sturka 19:16–18; 20:18, 19; Hibiru nani 12:21.*

"Saina il purara Dawan mawan ingnikaba lika pauta klahwan bakukan, israel luhpia sut aslatakan nakrara. Prana tara an sibrinkirakan, Israel luhpia nani ban tatatwi aimawan tasbakat kahwan." — *Ibid.*, p. 304.

"Dawan mawan ingnika painkira an karnakiraba sip upla stanmunraskan. Moses palisin naku aisan: 'Yang sibrin mita ban tatatwisna'. Sakuna Dawan mita karnika yaban aimawan ingnikara kaia. Moses il wina baliwan pyuara aimawanba sin ingnikan." — *Sons and Daughters of God*, p. 225.



3. INGNIKA DAWAN WATLARA

- a. Tent watlara Dawan nahki param takan? *Impakan sturka 40:34, 35.*

"Twilawanra Dawan mita ai albika Mosesra adar yaban tentwatla paskbia dukiara. Israel luhpia nanisut tentka watla lamakir asla taki banhwan kata kulkanka tara yabiwal. Sin minitkara hevenwina klaut pihnikum tentkawatla purara balan kli klautka kata tentwatla yarka bila ulra kutban. Moses palisin sip tentwatlara dimraskan. Israel luhpia nani naha sainka tarana kaikan ban lilia mita nakra laya takikan. Bin satka kumisin daukras uplasut saptakan kata. An Dawanra tingnika yaban kumi bani aikupiara, baha satka wina wala apu Dawan aimawan ingnika marikanba dukiara." — *Patriarchs and Prophets*, pp. 349, 350.

"Tentwatla bilara kau holi pliskabara Lâ Matawalsipba barakan gûl bakska kum bilara baha puraba nina makikan Shekinah tankaba Dawan mawan ingnika; ensal wal gûlni paskan barakan, Dawan aikupia lakaba bahara param sakikan. Ao, samtaim pris wihtara dairik klautbawina sin aisikan. Samtaim wan mihta aihkikara ensal baraba kat ingnika kum takbiasa kaka baha tanka Dawan kupia laka, sakuna wan mihta smihsaitra ensalkara klau siksa kum takbiasa kaka Dawan kupia laka apia." — *Patriarchs and Prophets*, pp. 349, 350.

- b. Dia takan Salaman tempel watla blesmunan pyuara?. 2 Kronicas 7:1.

"Tentwatlaba painkira makan kata, Dawan mita ai albika Mosesra marikan saina ilra nahki makaiaba patranka bawina David ra sin marikan kata. Tentwatla naha tasbara daukanba lika hevenra rait aihwa baraba lilika kum baku. Lâ Matawalsip bakska purara ensal wal gûlni paskanba wina King Salaman mita kau ensal wala wal paskan bakskaba minarakan baha tanka Dawan aiuplika nanira mainkaikiba". — *Testimonios para la Iglesia*, tomo 1, pág. 322.

"King Salaman Tempel watla makan pyuara Dawanra mayunaia dukiara upla ailal aslataki lawana aiwanikan muisik binka satka kat, bara baha awarkara hevenwina klaut baliwan sin twi biarara Moses pyuara kataba baku. Pris nani sip tempel watlara dimraskan Dawan mawan ingnika barakanba mita. ". — *Spiritual Gifts*, tomo 4a, págs. 113, 114.



4. GASPEL STURKA INGNIKA

- a. Dia Jisas aisanka *Jan 8:12* raba bilakaikanka wankisa?

"Gospel sturka yamni smalkankaba pasin tara ar sinskira nani aitanka briraskan smalkaia. Witin nani kasak aihwaki aipura suni an prapit ulbanka naniba stadi takikan sat kata nukaiakan ahkia Mesaia aisubitakaiaba tanka. Sakuna witin nani naha diara tankasin briraskan, Dawan ensalka mita upla umpira nanira sturi yamnina yaban kata. Dawan ingnikawina saitra taki nit taimkat plikiba witin nani tihmiara takaskan kabia." —*The Great Controversy*, p. 312

"Dawan mita heven ingnika aitani wankansa yawan diara tara an tihura bara naniba wantanka briaia. Apostel Jan naku aisata Jisas dukiara: 'Raiakaba witinra kan, an baha raiakaba upla nanira ingnika yabikan'. Raiaka an ingnibawal aslasa, ingniba apusa kaka raiakaba sin apusa. Sakuna upla kumi banira Dawan mita heven ingnika yabansa, bahawina saitra taubiasa kaka lika tihmiaba wan kutbi bribia. Jisas naku wisata: 'Ya yang nini blikisa kaka witin tihmiara taukbia apia, sakuna raiaka ingnika bribia'. Naha tasbara yawan iwinara raiaka apusa yu ingnika yabras kaka. Sin tnatkara wan aisisa Spirit Holikira mita wan tabriras kaka yawan raiaka apukabia." —*Sons and Daughters of God*, p. 281

- b. Jisasra yawan aula pyuara nahki witin wanbrisa? *2 Korint 3:18*.

"Naha tasbara tangni an dus nanisut yu ingnika plikisa, kan baku baman sipsa pain pawaia an ai mâ sakaia, sin tnatkara Jisas nina blablikra kumi bani nitsa yu banira Dawan mawan ingnika plikaia, ai daukanka, ai wapanka nanisutra kasak kaia dukiara. Blising briaia sinslaka an karnikasin briaia traika kaikan mapara aiklabi pura luwaia." —*Ibid.*, p. 26.

"Ani uplika heven ingnika brih kulkanka yabi an aitaimka mankisa pyuara witinra kau an kau ailal yabankabia bara heven tanka kasak aiskasut witin brinkabiasa." — *The Great Controversy*, p. 312.



5. INGNIKA WANKUPIARA

a. Nahki Jisas ingnika sipa wan raiakara ingwaia Pal aisan baku? 2 Korint 4:6.

"Dawan tanka kasakba staditaki lantakan kaiasa wan sinskara briaia. Wan raiakaba wihki Jisas raiakawal asla pali takan kaiasa. Jisas tasba paskan pyuara tihmia tarakan pyuara adar yaban ingniba baltakbia, sin baku naiwa wilinsa wan kupiara heven ingnika bribalaia an Jisas tanka kasak aiskasut briaia. Spirit Holikira mita wan sinska kwakbia naha diara nanina tanka kasak briaia. Jisas mawan ingnikaba mita wantapakbia heven watlakat wanbrihwabia. Baha pyuara Jisas mawan yawan kaikan kabia uplakum baku.". *Christ's Object Lessons*, p. 149.

"Jisasra kasak lalukra kumi bani witin param kaikbia heven ingnika. Wan kupiara Jisas bal iubia an bahara takasbia. Wan sinska lukra, wan daukanka, wan wapanka nanisutbara Jisaswal baku takan kabiasa. Upla wala nani wan kaikiba aitanka brinkabia Jisas yawanra iwiba tanka an mayunra yabankabia.". *Testimonios para la Iglesia*, tomo 6, pág. 477.

"Bui ingnikam mariks, kan heven ingniba manra balansa, an Dawan mawan ingnika man puramra balan'. *Aiseya* 60:1. Marit waikna aulabara bilakaiki nanira wisa. Jisas aikarnika aiskawal aulasa. Selp ai ingnika an Dawan Aisa ingnikawalsin. Heven ensalka nani sutwal aula. Naha tasba aiskana tihmia tarakum bakura kabia, sakuna Dawan uplika nani lika ingnikaba brikabia an kaikbia Jisas pasa minara balbia pyuara. Saura dadaukra nani Jisasra brindaukraskan baha pyuara plapan kabia yukwaia plikbia Jisas mawan ingnika wina. ". *Ibid.*, pp. 420, 421.



MAKABANKA LUAN NANI BA LAKI KAIKS

1. Baibil dia wanwisa Dawan Aisa, luhpia Jisas an Spirit Holikira tasba paskanba?
2. Aisas nahki Jisas param takan Israel luhpia nanira twilawanra?
3. Jisas mawan ingnika nahi barakan Tent watla an Salaman tempelkara sinbaku?
4. King Salaman tempelka watla blesmunan pyuara nahki Jisas param takan?
5. Yawan kumi banira nahki Jisas mawan ingnikaba param takisa?

**INGNIBA MARIKAIA AR MAPARA KAIA**

"Dawanba yang ingniki an swaki ai Sasakra; yaura sia brimna." *Lawana nani 27:1.*

"Jisas sika ingnika kum tasbara balan an uplasutra ingnika yabiba. Jan 1:9. Jisasku uplasutba raiaka brisa, sin tnatkara Jisasku baaman uplasutba heven ingnika painkiraba brisa."— *Education, p. 29.*

Kau aisikaikaia: *Testimonies for the Church, vol. 7, pp. 18–28.*

Sandi**Lih mairin kati 11**

Baibil aisikaikaia ba: 1 Kronika 3-5

1.INGNIKA DUKIARA PAT PRAPIT AISANKAN

a. Spirit Holikira mita prapit Aiseyak dia aisan Jisas dukiara? *Aiseya 49:6.*

b. Jisas sirpikan blesmunaia tempelra bribalan pyuara prapit Saiman dia aisan? *Luk 2:32.*

"Serts almuka an prapit Saiman mita aisankan Jisas dukiara naha tasba ingnika baku an Israel luhpia palira kau. Luk 2:32. Saiman naha aisan ba lika patitara pat prapit Aiseya aisankan Spirit Holikita mita sinskara ingni bribalanba pyuara. Manba yang albikisma Jakob kiamkawina dakni sirpikum bansakanba bukaia; baku sin maikrisa nesan wala nanira ingnika kum kaia dukiara lasbakat. *Aiseya 49:6.* Naha prapitka aisankana lika upla nanisut aitanka brikan Mesaia dukiara aisisa, sin Jisaska naku aisan: 'Yangsika naha tasba ingnika' upla nani baha pyuara walikanba sip naha tanka briraskan. "— *The Desire of Ages, p. 465.*

"Dawan mita aimarikan maiam waiknaba lilia apiasa nahki tnatkara manwal iwiba? Manwal marit takan utlabila karbanka naniba walsut pahpaiara kabia lukikan? Maiam waikna lukikan nitapia kabia manra witin mita ailukanka kat maibrih wakaia? Sakuna brindaukisa lilia,kupia kumi latwan lakawal iwikaia".— *The Desire of Ages, p. 465.*



2. INGNIKARA BAHKI KULKAN

- a. Jû ta uplika nani nahki Jisas maparakan? *Jan 1:11; 8:13.*

"Jisas raiaka an smalkanka sutwina sipa lantakaia bawan laka, kupia pihni, wark yamni dadaukra an aiwalkara help mamunra baku. Baha taka parisi nani mita misbara kaikikan witin nani ai tnatkaba satwalakan ba mita. Setan mita sinskara dinkar Jisas warkkabara saura kaikaia an upla nanira yabal yamni wina mahwakisa baku. Las Jisas King aimakaia lukanka apukan taim parisi nani nutakan witinba Mesaia apia, uplara kunin mamumra kum baku, bara tnatka plikan nahki muni Jisas raiaka sakaia. ". —*Spiritual Gifts, vol. 4a, p. 117.*)

- b. Jisas mita parisi nanira nahki kler aisan? Pana dia ansika yaban? (*Jan 8:14–18.*

"Parisi nani turbi kaiki an stadiisin takraskan prapit ulbanka nanira Mesaia dukiara aisiba, setan mita sinskara blain baku daukan, witin nani aitanka briraskan. Ao, Dawan warkka wisi lika daukan sakuna purataia baman airaiakara Spirit Holikira mita aitabriraskan, kler pali witin nanira Jisas mita param marikan sakuna aitanka brihiakauras kan. Ta wina aikupia karnadaukan Jisasra kasak lukaia apia, bataka Setan mita sinskara tihmia daukan, bara Jisas warkka sutra saura baman kaikikan. "— *The Spirit of Prophecy, vol. 2, pp. 354, 355.*

- c. Parisi nani kasak lukraskanba wihki Jisaswal dia difrantka barasa? *Jan 8:19–23*
- d. Jû nani mita Jisasra briraskanba taka aipurara dia trabilka balan? *Jan 8:24; Matyu 23:38*

**3. WAWALRA SATWAL**

- a. Jisas mita parisi nanira wisata aikupia lakras kaka aisaurkara ban prubia. Parisika nani mita Jisasra nahki taibi munan? *Jan 8:25.*

"Jisas aisankara nuapia baku parisi nani mita makabiwalan: 'Man yâ? Parisi nani brindaukikan Jisasra taibi muni yaka aisaia witin Mesaiaba tanka. Jisas daukanka an warkka ba dia parisi nani bilakaikikanba kat waraskan, setan mita sinska blakan kauni Jisas maparakan an kuninkira baku kulkikan.'".— *The Desire of Ages*, p. 465.

- b. Jisas dia param sakan Dawan Aisawal witin aslaba dukiara? *Jan 8:25, 26–29.*

"Jisas raiakara minit kumirasin Dawan Lâ ka wina saitra tauraskan. Diara kumisin Jisas daukraskan Dawan Aisa kupia laka apiasa kaka. Ensal nani mawanra, upla nani mawanra an ulasa nani mawanra Jisas aisi wisata: 'Pyu banira Dawan Aisa kupia lakakat daukisna' *Jan 8:29.* Parisi nani mita mani yumhpara Jisas nina blikikan aidaukanka ar aisanka mistik kum pliki. Setan ai ensalka sutwal traikaikan Jisasra batakaia; sakuna pyu banira Jisas aihwakikan an Dawan Aisa mihtara alkibankan. Ninkara débil nani palisin naku aisan: 'Man lika holikira Dawan luhpia'." — *Testimonies for the Church*, vol. 8, p. 208.

- c. Nahki Jisas yu banira Dawan Aisawal taukikan? Nahki yawan bahawina lantakaiasa? *Jan 15:10; Epesu 2:4–6.*

"Jisas, upla baku nahki kanba baku Dawan brindaukisa ainina blablikra kumi bani witin wina lantakbia. Spirit Holikira karnika an sinslaka wankibawal yawan sipsa." — *Ibid.*, p. 289.

"Jisas raiaka naha tasbarakan pyuara, ao witin trabil ailal tilarakan, sakuna prilaka brikan. Waihla nani praut taki Jisas nina blikikan pyubanira, sakuna Jisas naku aisan: 'Yangra aiblikanba yangwal bansa; yangra ban lulki yakan aiswiras, kan witin aikupia lakakat daukisnaba mita'. *Jan 8:29.* Setan nahki traika kaikan bribalikanba tilara Jisas saplaka brikan, kan Dawan Aisa mihtara alkanba swiraskan bamna."— *Thoughts From the Mount of Blessing*, pp. 15, 16..



4. INGNIKA SAKAN

- a. Jisas mita parisi nanira diara raitba win taka, wawalra kasak nani dia daukan? *Jan 8:30.*

"Jisas, witin trabil nani tilara nukan nahki kaiaba, sapkira an aisinska yusmunikan, upla kumira ban pat mihtara kahbraskan. Jisas aisanka bila naniba lika sin surd malakira bakukan an dusa kakauhbra nani kupiakat dimiwikan. Jisas uplara aisisa pyuara dakni tara ar sirpikabiasin wawalra nani kupiakat sabikan. Aibila wina sturi takiba ban bahkira lika takaskraskan. Wawalra kumi bani mihtara swikan briaia apiasa kaka bahki kulkaia. Pasin an smasmalkra nani Dawan bila uplara smalkiba karnika taraba lika Dawan wina briaiaasa bara aiwarkka nani ban bahkira kabia apiasa. Dawan bila kasakkaba karnika tara brisa upla kupia karnakiraba krikaia. Bila karnika surd malika bakuba wan nakrani lika kaikras sakuna bin daukraskira upla kupia krikisa. Ya bilaba walisa ao taki kasak lukbia naniba ai mana painkira brinkabia, wala nani walisi daukras an kasaksin lukras kaka selp aipahpaarakabia, la tara yuaara bahasut aimawanra sakan kabiasa."— *The Signs of the Times, February 6, 1896.*

- b. Heven ingnika wan walkara yabi pyuara nahki blisin yawan brisa?. Lawana nani 27:1; 147:15; Aiseya 55:10, 11.

"Waikna kum kum bankra pasin warkka lika sip daukras sakuna Dawan warkkara sipsa wark satwala ailal baraba tilara dimaia. Waikna an mairin nanisin ban bahki kaia apiasa aiwatla bila paliwina takrikaiaasa, ai luhpia nani aikuki Dawan warkka daukaia, ai lamara iwiuplika nani aikukisin. Dawan wark kaba sat sat daukaiaasa plis kumira baman lika apia. Bankra umpira waunhtiasin la napia bara wisi iwi diara daukras kaia apiasa, sipsa utla utla wih kaikaia siknis uplika nani, silakra an hospital ra siknis prawi nanibasin."— *Testimonies for the Church, vol. 7, p. 21.*



5. ALBA LAKA AN PRI LAKA

- a. Jû nani Jisasra kasak lukan nanira diawin? Jan 8:31, 32. Kasak lukras nani nahki kaikraskan pritakaia lakaba? Jan 8:33-36.

"Parisi nanira setan mita kau alba laka an taibanka saura mina muhtara brikan.

"Upla kumi bani Dawanra airaiaka yabaia wantapiaba witin lika setan albika lakarasa. Uplakumba sip yakan aiwina kuntrul munras. Sipsa witin aisaia prilaka dukiara, sakuna aidara walras sa setan mita alba brika tanka. Sip diara rait, kasak an holiba tanka briras kan setan mita ai sinska tihmia daukansa. Sipsa uplakum lukaia yang selp dia wantsnaba daukisna sakuna sintaim setan mina muhtaraba aidara walras. Jisas balan upla kumi banira prisakaia dukiara setan albika lakawina.

"Swaki sakan lakara uplara taibi munras. Spirit Holikira mita uplara taibi munras aibila walbia dukiara. Spirit Holikira mita uplara yabal wal marikisa raiakaia yabalka an prura bankaia yabalka, upla kumi bani wahbi briaiasa anira waia wantba. Ao, yawan yakan lika karnika apusa setan albika lakawina langwi takaia, sakuna Dawan helpka makabisa pyuara karnika wankisa langwi taki an prilaka briaia.

"Jisas wan raiakara bal iwisa pyuara uplaba karnika brisa saurka albika lakawina pritakaia. 'Raitba mita primaisakbia'; an raitba lika Jisas. Saurka mita upla sinskara wik daukisa, tihmia daukisa taibi brikaia dukiara. Jisas prilaka wankiba lika wan nakra ilingnisa, sins laka wankisa, an karnikasin saurka mapara puraluwaia." —*The Desire of Ages*, p. 466.



MAKABANKA LUAN NANI BA LAKI KAIKS

1. Saiman Jisas dukiara aisanba tanka diasas?
2. Parisi an aiulbra nani mita Jisas maparakan dukiara aisas.
3. Jû nanira nesan kum baku dia trabilka balan Jisas briraskan taka?
4. Upla kupia bawi an wilinkiraba nahki Jisasra kasak lukisa?
5. Gaspel sturka smalkankara prilaka aisiba dukiara aisas.



JISAS AN EBRAHAM WAL

"Ebrahim man nani papikam, yang yui kaikaia brindaukikan; witin kaikan an lilia takan." Jan 8:56.

"Ebrahim kau pruras kainara witin brindaukikan Jisasra kaikaia Mesaia baku. An witin kaikan kata."— *The Desire of Ages*, p. 468.

Kau aisikaikaia: *Christ's Object Lessons*, pp. 269–271, 330–332;
Early Writings, pp. 149–153.

Sandi

Lih mairin kati 18



Baibil aisikaikaia ba: 1 Kronika 24-26

1. EBRAHAM LUHPA NANI

- a. Parisi nani dia dukiara aisi aimayunra brikan? *Jan 8:33, 39.*
Nahki sipsa prubmunaia Ebrahim luhpia baku? *Jan 8:39,56;*
Roman 9:6–8.

"Parisi nani aisibanhwikan witin nani Ebrahim luhpia. Jisas mita wisata ya Ebrahim luhpia kaiasa kaka dia Ebrahim daukanba baku daukaiasa. Ebrahim tnatka, wapanka nanisutba nina bliki daukaiasa Dawan bila wawalra kasakkum baku. Diara rait aisi uplikara ikaia plikbia apia. Jisasra ikaia plikikanbawal kler marikan parisi nani Ebrahim luhpia apiakanba tanka. Ebrahim kiamkawina aisubitakanba spirit lainkara diara tarakum apiasa. Ebrahim airaiaka aiskara Dawan mihtara aimakan baha diara tarasa.". *Educación*, p. 240.

"Ebrahim kiamkawina aisubitakanba Dawan mawanra diara tara apiasa, sakuna aidaukanka, ai iwanka, aiwapanka nanisutba kasak, wapni an holi lakara iwiba lika Dawan mita yamni kaikisa. Diara walaba naiwa serts ailal barasa Jisas apastelka nani sertska wisa sakuna diarawala daukisa. Bahasutba lika setan kuninka lakasa. Ao, Baibil wina smalkisa diara kum kum ba rait sakuna diara walaba selp upla lukanka wal miks munisa uplara kunin munaia dukiara.". —*The Desire of Ages*, pp. 466, 467.



2. AIMAYUNRA BRIKANBA BAHKIKAN

- a. Jû naniba Ebrahim kiamkakan, sakuna Jisasra briraskan pyuara yâ luhpia takan? Jan 8:41–44.

"Jisas mita wisata jû naniba Ebrahim kiamka apia. An kau sin naku win: 'Man nani aisikam warkka daukisma'. Jû nani tawi Jisasra naku win: 'Yang nani bastar aisubi takras; Dawanba yang nani aisiki. Ao, Jisas nukan jû nani upla baku lika Ebrahim kiamkawinna aisubi takan sakuna spirit lainkara lika Ebrahim daukanka wina lantakras, Jisas kau aisi naku wisata: 'Dawanba man nani aisikamsa kaka yangra latwan aikaikaima kan yang witin wina balrisa bamna'.

"Jû nani daukanka an warkkabawal marikikan witin nani setan suliarkaba tanka, kuninkira an upla aikra. 'Man nani papikamba lika setan' baku Jisas mita jû nanira wisata, an papikam dia wantba daukisma. Witin lika ta paliwina upla aikra an diara raitba aisaras, kan kunin laka baman aisinskarasa. Yang raitba maiwisna an yangra kasak luki banhwrasma. Jan 8:44, 45 Jisas mita sturi raitba jû nanira wisata, baha taka Jisasra yamni balanka yabraskan an kauni lika misbara kaikan. Jisas sturi rait aisanbawal Jû nani uba saura aidara walan. Sin bakusa naiwa serts ailal diara raitba smalkaia sibrisa kan uplara yaka saura aidarawalbia apia dukiara. Jû nani ai mistikka nutaki padin makabaia watlikara ainakra an aikiamo praki walras an kaikras baku pulan.". —*The Desire of Ages*, p. 467.

- b. Dia mita Ebrahim luhpia wandaukisa? Nahki Jû nani marikan witin nani Ebrahim luhpia apiakanba? *Galisan* 3:6–9; Jan 8:40.

"Alba laka spiritka brirasma sibrinra kaia, sakuna Dawan mita ailuhpia baku maibrin, bamita yawan aisisa: 'Dawan Aisa' alba laka spiritkaba lika serts laka smalkanka nanira kasak luki an purataia baman wan nina kristian brikaia. Sakuna baha apia kristiankum rait aihwa kaiaba. Ebrahim nahki Dawan wal kakaira takan aipanika painkira kum baku, witin wal wapan an iwan an bilawalan, sin tnatkara kristian kasak kumba Jisaswal kakaira takaiasa an aibila wawalra kaia." — *The Youth's Instructor*, September 22, 1892



3. JISAS DAUKANKA

- a. Dia makabi walanka Jisas daukan pyuara parisi nani sip ansika yabraskan? Jan 8:46.

"Jisas tasbarakan pyuara aidaukanka, aiwapanka nanisutba kasakkan, Dawan Aisa Lâ ka bilawalidaukan. Ao, Jisas lika upla yawan baku tasbara balan mairinku aisubitakan trabil nani traikakaikan brin yawan baku sakuna saura kumisin daukraskan. Parisi nani mawanra naku wisata: 'Man nani tilamra ya kum sipsa yang saurki aisaia?' Jisasra saurka taskika kumisin apukan. Tasbara iwi uplika nanisut mawanra."— *Sons and Daughters of God*, p. 25.

"Saurka dimras tasbaia nani mawanra, heven ensalka nani mawanra, naha tasbara iwi uplika nani mawanra, an setan suliarka nani mawanra sin Jisas sibriras naku aisan: 'Yang Aisiki yamni kaiki dukiaba pyu banira daukisna'".— *The Desire of Ages*, pp. 467, 468.

- b. Dia Baibil aisisa Jisas daukanka dukiara? Witin pali aisanba purkara Hibru nani 4:15; 1 Pita 1:18, 19.

"Jisasra Mesaia baku kasak lukaiaba diara sain nani daukanba mita apia, sakuna aidaukanka, aiwapanka nani kasak, holikanba witin satka tasbara upla kumisin apusa."— *The SDA Bible Commentary [E. G. White Comments]*, vol. 7, p. 904.

- c. Jisas raiakaba nahki wankanbaiasa? Pilipai 2:6–8.

"Jisas wapan yabalkaba lika karna palikan sakripais ailal takan sakuna witin bawikira an umpira baku tasbara iwan. Ao, witinra upla mita kulkanka yabraskan, misbara an bahki baku kulkan pyua banira ninablikikan alki silakra manki ikaia. Sakuna witin sibriras yukwisin taukraskan. Diasut witin panis wahwanba lika man an yangra swaki wansakaia dukiara. Man muihni an laikra Jisasra Sasakrikam baku naiwa brismaki, witinra wilinkira raiakam aiska, sinskam an karnikam aiska yabramsaki? Pyua banira amiatikpara Jisas man swaki maisakaia dukiara patbrinba."— *Testimonies for the Church*, vol. 3, p. 371.



4. JISAS NINA BLABLIKRA NANI DAUKANKA

- a. Jisas nina blablikira nanisutba dia aisinskara brisa? 1 Pita 1:13–16.

"Yawan upla kumi bani wan mihtara swinsa traikaikaia Jisas nahkikanba baku takaia, wan daukanka, wan wapanka nanisutra." — *That I May Know Him*, p. 130.

- b. Nahki sipisa plapanka tnata alkaia? Hibiru nani 12:1–4; Galisan 5:6; Pilipai 3:12–15; 4:13.

"Nahki yawan sipkabiasa wan daukanka, wan wapanka nanisutra kasak, wapni an holykaia Dawan wantba baku? Sipsaki yawan upla baku Dawan wantba baku wan daukankara takaia: wapni, klin an holi kaia? Ao, yawan sipisa, baku apiakan sat kata Dawan wan wiaia apiakan. Witin sika wan patranka, upla baku naha tasbara balan an wan marikan nahki iwaiaba an wapaiaba yakan wan karnikawal lika apia sakuna Dawan karnika wankibawal waikna an mairin kumi bani sipisa." — *That I May Know Him*, p. 130.

- c. Nahki yawan Dawan mawanra klin an kasak iwaia sipisa? Roman 5:18–20; Hibiru nani 10:14

"Dawan mita uplakum aikupia lakras kaka sip padin munras, saurkaba nutakaiasa." — *Selected Messages*, bk. 1, pp. 393, 394.

"Upla saurakiraba Kalvari dusara kaikaia nitsa; an tuktan sirpi ai papikara kasak lukiba baku Jisasra kasak lukaiasa padin laka briaia dukiara.

"Nahki tara an painkira palisa Dawan latwanka lakaba tihu palisa sip wantanka aiskasut briras, ailuhpia Jisasra blikan balan upla saurka dukiara dusprignira pruaia. Dawan Lâ ka bapankaba karna palisa sakuna ailatwanka laka kau baha purkarasa." — *Selected Messages*, bk. 1, pp. 393, 384.



Baibil aisikaikaia ba: 2 Kronika 7-9

5. WAN DAUKANKABA JISAS BAKU TAKAIA

- a. Nahki baman yawan sipsa karna an kasa buikaia? *Pita 1:4-11; Param marikan 19:8.*

"Adam an Ev walra Dawan wisataba sin baku naiwa yawanra wanwisa, aibila walaia, ai Lâ ka bilakat iwaia. Sakuna yakan wankarnikawal lika apia. Spirit Holikira mita sinslaka an karnika wankisa Dawan Lâ ka bilara iwaia." —*Selected Messages, bk. 2, p. 381*

"Kau yawan naha tasbarasa pyuara wan wina brinka nanibara taibi brikaia, wan biara an wan bila brinka nanibak setan warktakisa alba lakara wanbrikaia dukiara. Minit kumirasin lukaia apiasa warba danh takan". —*The Acts of the Apostles, pp. 560, 561.*

"Jisasra kasak luki wan raiaka yabisa pyuara Spirit Holikira mita wan lukanka, daukanka, wapanka naniba satwala daukisa. Kainara diara wahra, taski an watawi lakara baman iwikiamba nanara wapni, kasak an holi lakara iwisa.

"Wan tanka kasak briaiasa naha tankana Spirit Holikira wankupiara wark takisa paskanka raia wandaukaia sakuna yawan wan taimka mankaia, Dawan bila staditakaia, wanpura sunaia, an wan uplika walara wednis painkira kum wan raiakawal marikaia Jisas yawanra iwiba tanka.

"Spirit Holikira mihtara yawan aimakisa wiba lika yu banira, awar banira wan sinskaba wapni kasakka lakara brikaia. Wan lukankara minit kumirasin chans yabaia apiasa setan mita diara wahra, taski nani bribal dinkbia." —*The SDA Bible Commentary [E. G. White Comments], vol. 7, p. 943.*



Baibil aisikaikaia ba: 2 Kronika 10-13

MAKABANKA LUAN NANI BA LAKI KAIKS

1. Diakan parisi nani raia bankaia laka briaia Ebrahim kiamka wisi?
2. Rait aihwa Ebrahim kiamka nani daukanka dukiara aisas.
3. Jisas daukanka dukiara dia witin aisan?
4. Kristian kumi bani mawanra dia kaikanka kum bapansa?
5. Nahki yawan sipsa Dawan mawanra kasak an taski luha kaia?



JISAS AN BLAIN WAIKNA WAL

"Jisas naku aisan: La daukaia dukiara tasbara balri; kaikras naniba kaikbia, an kaiki naniba kaikras kabia." *Jan 9:39.*

"Job sturka bak wan marikisa setan mita trabil nani wanpurara bribalisa, an Dawan mita takaskisa."— *The Desire of Ages*, p. 471.

Kau aisikaikaia: *Testimonies for the Church*, vol. 3, pp. 570–575.

Sandi

Lih mairin kati 25



Baibil aisikaikaia ba: *2 Kronika 18-20*

1. WAHRARA TANKA BRIN

a. Jisas disaipilka nani mita dia makabiwalan waikna blain aisubitanba dukiara? *Jan 9:1, 2.*

b. Jû nani bakusin Jisas disaipilka nani nahki lukikan upla purara siknis trabilka nani baliba dukiara? *Jan 9:34.*

"Jû nani kasak lukikan wan saurka mana klalkaba naha tasbara kau raiasa pyuara aibapaia. Wanpurara siknis klalka nani baliba lika selp wan saurka mana, apiasa kaka wan aisa nani daukanba taka klala wanpurara balisa. Piskum lika rait saurka sutba Dawan Lâ ka krian taka mita balisa. Sakuna setan mita smalkanka wahra yaban Jû nani kasak lukikan siknis an prura klalkaba Dawan wina blikisa upla purara. Baku lika upla sikniskira kumra kaikikan saurakira tara kum baku

"Setan mita baku smalkanka wahra bribalanba taka Jû nani ridikan Jisas Mesaia baku balbiabara briaia apia. An Jû nani sut lukikan Jisasba selp aisaurka taka pruan, Dawan mita witinra klala yaban."— *The Desire of Ages*, p. 471.-



2. DAWAN GLORIKA DUKIARA

- a. Jisas ansikawal nahki disaipil nani aitanka brin siknis nani an saurka tanka? Jan 9:3–5.

"Jisas disaipilka nanisin jû nani smalkanka nina blikikan wan saurka taka siknis wanpurara Dawan blikisa wisi. Ao, Jisas mita kler munan baku apiaba tanka, waiknika purara siknis balanba trabilka dukiara aisaraskan sakuna wisaata Dawan mayunra dukiara. 'kau tasbarasna pyuara, yang lika tasba ingnika kumsna'". — *The Desire of Ages*, p. 471.

- b. Ninkara Jisas dia daukan? waiknika blain nahki Jisas bilawalan? Jan 9:6, 7..

"Jisas mita waiknika blain nakra slaublawal yukan ninkara wisata Silue layara wih sikbia, an waiknika baku daukan pyuara nakra pain takan kata. Naha daukankawal Jisas mita disaipil nanira diara kasakba landaukan. Waiknika blainkanra Jisas mita slaublawal nakrara yukanba an Silue layara blikan ainakra sikbanba walsutra karnika apukan sakuna Dawan kupia pihnika laka an aipadinka lakawal sipkan waiknika nakra kli yaka kaikaia." — *The Desire of Ages*, p. 471.

- c. Jisas mita waikna blainra rakan taka nahki lukan sat sat upla nani brian? Nahki waiknika aikupia lakan? Jan 9:6, 7.

"Waiknika blainkanba watla lamara dimi uplika nani naku aisan: 'Naha waiknika apia yabal unra iwi uplara makakabra taki kataba?. Nanara witin diara kaikan pyuara aimawanba ingni an lilia takan, bara kaikras kaka baha apia taliakan. Upla manas witin dukiara ban namhpara lukikan sakuna kum kum wisata ao, naha sin waiknika wahma. Waiknika aisi wisata ao, yang sin waiknika." — *The Desire of Ages*, p. 471, 472.



3. MAKABANKA KUM PAWIBA

- a. Jû ta uplika nani mita waiknika blainkan Jisas rakanba anira brihwan? Dia muni? Dia yuara rakan? *Jan 9:13, 14.*

- b. Parisi nani dia daukanba dukiara aisas? *Jan 9:15, 16.*

"Parisi nani mita plikikan Jisasra traika kaiki yaka saurka daukbia wantkan, bara wiaia Mesaia apia. Kuna nuapiakan Jisas mita Sabat laka bapan an nahki tnatkara kasak kulkanka yabaiasin. Parisi nani mita Jisasra ikaia plikikan waikna blain sabat yuara rakanba wisi."—*The Desire of Ages*, p. 472.

- c. Parisi nani mita yaura winan wedniskabia dukiara? *Jan 9:15, 16.*

"Parisi nani mita wahmika blainkataba papikara aisi makabi walata: naha man luhpiam blain kataba?

"Wahmika kainara blain kataba sin minitka aiminara buikan an witin nakraba pain kaikikan; sakuna parisni nani wantkan aisika mita wibia mistik kum witin takan wisi. Parisi nani wantkan taibi muni aisika yaka diara wala aisabia."—*The Desire of Ages*, p. 472.

- d. Nahki wankupia kraukisa sturi raitba walras ban isti ansamuniba dukiara? *Sinslaka 18:13.*

"Upla ailal Dawan bila kasakkaba walisa sakuna wahra tanka brisa. Smasmalkra smalkanba swisisi selp ailukanka mankisa bilawalaia apia dukiara. Witin pain nusa baku apiaba sakuna upla mawanka siaia brindaukras diara kasakba nina blikiaia. Bahasut lika setan kuninka lakasa uplara ban alba lakara brikaia dukiara."—*Testimonies for the Church*, vol. 5, p. 695.



4. TAIBI MUNI SIRAN IKANRA

- a. Jû nani mita waikna blainkan aisikara nahki taibi muni karna aisan, waiknika nahki ansamunan? *Jan 9:20, 21; Jan 9:22, 23.*

"Parisi nani mita wahma blainkan Jisas mita rakan aisikara taibimuni yaka sibriaia plikikan. Diara nuapia baku makabi walan: 'Nahki luhpiam blain kanba nanara kaikisa?' Aisika sibrikan sturi inipas aisi ailuhpiara patdinkaia; kan parisi nani mita uplasutra winkan ya Jisasra Mesaia baku kulkanka yabiasa kaka Jû nani priaska watlawina kanbaia kati kum pitka. Baha pyua nanira sip tuktan kumra wan aisa sainka mankras, an pamali kum prubiasa kaka sip watlara aslataki inras. Baha lakaba saurapali kulkikan; katikum bilara aikupia laki padin takras kaka klala kau tara aipurara bribalikan. Wahma blainkan Jisas mita rakanba aisika pain pali nukan bara witin wisata: ao, naha sika yang luhpi waikna, blain aisubitakan sakuna nanara witin kaikisa, yang nuapiasna ya mita rakansa sapa, luhpikana pat wahma nara man sipsma witin wina palira makabiwalaia. Wahma aisikaba sibrikan bara diara aisaia wantapiakan Jisas rakanba dukiara."— *The Desire of Ages*, pp. 472, 473.

- b. Taibi wanmuni sibrin wankisa pyuara dia wansinskara briakaiasa? *Lawana nani 118:6.*

"Minamra karna buibas, saura kumisin daukpara siasabrira maiwibiasin. Lamwaska kikisa, ar taibi maimunisa wisi ban Dawan Lâ ka krikpara ". —*Fundamentals of Christian Education*, p. 93.

"Kristian daukanka kasakba lika karna aibapankaiaasa, diara kumi mitasin yaban witin aininara tauras. Tasbara karnika kumi mitasin ailukankaba chensmunras, setan mita nahkisat traika kakikan aipurara bribalbiasin sip witinra batakras kan hevenwina karnikaba witin brisa."— *Testimonies for the Church*, vol. 4, pp. 543, 544

"Wan sertska Adventist tilakat membars ailal barasa Dawan Lâ kaba purataia baman kulkisa, witin nani dakni wala aikuki aslataki wanpurara trabil saura bribalbia. Sin Jerusalem kaupinka papaskra nanira waihlâ nani mita traikaiki kataba baku yarka takaskaia warkkaba. Sakuna sibriras aituraa brihwan kata." —*Ibid.*, vol. 3, p. 574.

**5. WAN NINARA TAKAN DUKIABA KLI TAKISA**

- a. Naika palira dia takbia Dawan Lâ ka bilawawalra nani purara dia trabilka balbia? Param marikan 12:17; Sturka nani 4:18-20.

"Mapara aisankaba kau ban kuntriwalara wih dimisa pyuara upla nanira winanka daukisa Dawan Lâ kara bahki kulkiba dukiara, setan ai suliarika aikuki kau karna warktakisa. Dawan bila kasakka ba kau smalkisa pyuara wanmapara buankaba kau tara kabia. Kauhwan sertska daknika nani pasinka ai suliarika taibi munbia wan smalkankara walaia apia. An tnatka plikbia heven ingnikara daskaia. Kahwan sertska daknika nani sut aslataki tasba gabamintka karnika plikbia. Baku lika gabamint nani mita la kum mankbia sandi kulkaia dukiara, an taibi munbia rausauhkbia Dawan Lâ ka kulki daknika nani mapara. Multa aibapbia an silakra mankbia, an wala nanira wibia wark pain tara mihtara mankaia tasba dukia wala nanisin yabaia sabat kulki daknikawina takbiasa kaka. Baha awarkara ya kristian kasakba karna aibapan kabia an wibia: 'Dawan bila wina aimariks diaba yang nani mistiksna kaka'. Sin tnatkara Lutero daukan kata mani ailal luan nanira. Tasba wihtika nani mawanra wanbrihwabia, sakuna baha yuara Spirit Holikira mita karnika an sinslaka wankbia Dawan bila kasakkaba wan wali nanira smalkaia. Kum kum baha tilawina wilin takbia Dawan suliarika takaia.". —*The Great Controversy*, p. 607.

- b. Trabil nani wanpurara balisa pyuara, dia wansinskara brikaiaasa? *Jan* 9:39; *Sturka nani* 4:33; *Matyu* 10:28.

"Parisi nani mita Jisas disaipilka nanira traikaikan taibi muni yaka sibriaia sakuna sipapiakan.". —*The Acts of the Apostles*, p. 48.


**MAKABANKA LUAN NANI BA LAKI KAIKS**

1. Jû nani mita upla sikniskira nanira nahki laka aisidaukan?
2. Ya mita waikna blain aisubitakan kanra kli nakra yaban?
3. Waiknika blainkan wina rawanba dukiara upla nani nahki namhpara lukan?
4. Waikna blainkan wina rawanba ninkara dia trabilka aipurara balan?
5. Waikna blainkan aisika traika kaikanra kahwanba nahki yang pura luwaiasna?

Pas sabat kaliksanka

Prias watla wal makaia Tamil Nadu, India kuntrikara

Baibil tanka plaplikra daknika nani nutakan 2600 mani kau Jisas bal aisubras kainara pat Indo nani tasbara iwikan, naiwa yawan kakairasa India baku. Serts daknika kau tara naraba lika hinduismo 79.8% upla brisa, ninkaraba lika islam 14.2% upla brisa, kristian daknika lika 2.3% upla brisa, sijismo wiba lika 1.7% upla brisa an dakni wala nanisin barasa. Nahara sturi ria brisa upla nani pat 1920 mankara pat nukan Adventist kli raya takan daknika sturka kau 1950 mankarasin baku, sakuna 1987 mankara India kuntrika lalma taniwina uplakum balankan yeniral kampris mitin tara daukanba tilara kaia. Tamil Nadu lika India kuntrika lalma tanirasa, nahara insla warkka tarapali daukisa. Dawan warkka pat mani ailal narasa, sakuna upla ailal palisa 72 milian pitka bara nitsa kau wan warkkaba drabaia. Tawan raia nanira brih dimiwaia, wark sat sat nani daukiwal.



2001 mankara upla kulkikaikanbara Pattiveeranpatti naniba brikan 7.744 upla. Baha tilara upla waunhtaia aisikaiki naniba lika 83% bakukan. Ao, kuntri aiska bilara lika kau sirpi takisa 59,5% pitka.

Nahara upla kau ailal warktakiba lika kapi nasla daukisa, ninkara lika siksa naslasin daukisa, Andris, Kardamumu, plunra nari daukaia satka nanisin baku. Pallapatti tawankaba kwarikasa upla nani nara iwiba likka 13,701 pitka.

1998 mankawina Dawan warkka daukisa Periyaklam nani mita help munan serts membarska kau paubia dukiara. Nanara yawan membars ailal brisa sakuna rentwatlara prias daukisa. Bamita Pattiveeranpatti an Pallapatt tawankara priaswatla makaia trabil taki banhwisa.

Wan lakra Ellen G. White ulbansa “India kuntrikara uplaba milian an milian barasa kau Dawan sturka yamniba walras. Witin nanisin airaitka brisa walankaia.”— *La Educación*, p. 263

Dawan Lâ ka kahwannba kli bukaia dukiara, nitsa upla nanira gospel sturka kasakkaba brihwan kaia. —*El Ministerio de la Bondad*, p. 35

Muihkam an lamkra nani Pattiveeranpatti y Pallapatti wina



SPIRIT LAINKARA UPLA BLAINBA

"Saurka sut uplara padin munan kabia; sakuna Spirit Holikira maparaba lika apia. Jisas saurka aisabiaba padin munan kabia sakuna Spirit Holikira mapara aisabiaba lika apia nanara an bankaiara." *Matyu 12:31,32.*

"Dawan mita upla kupia karna daukras an nakrasin blain daukras. Dawan mita ingnikaba blikisa upla aiwatawanka naniba aidarawali wapnira aimakbia an yabal yamnira wapbia dukiara; 'Sakuna ingniba brindaukras taka setan mita blain daukisa an kupia karna sin daukisa.'— *The Desire of Ages*, p. 322.

Kau aisikaikaia: *Testimonies for the Church*, vol. 2, pp. 489–497.

Sandi

Li kati 1



Baibil aisikaikaia ba: *Esdras 3-5*

1. AIMAWALRA MAKABIWALAN

- a. Wahma nakra blainkan Jisas mita rakanbara parisi nani mita aimawalra kli makabiwali dia daukaia wantkan? *Jan 9:24.*

"Parisi nani kaikan Jisas mita waikna wahma nakra blainkanwina rakanba tukinkaba uba upla aisikan. Sip uplakum baha kunin daukan wiras. Wahmika blainkan nanara kaikiba uba aililiakan; kan Dawan paskan dukia naniba sipkan kaikaia, baku lika uba Dawanra tingkika sakikan. Wahmika aisturka aisikanra parisi nani mita bilaprakaia wantkan, naku wisata: 'Dawanra tingkiwis: kan Jisas mairakan wismaba lika saurakira'". — *The Desire of Ages*, p. 473.

- b. Wahma nakra blainkan Jisas mita rakanba mita parisi nanira nahki kler aisan? *Jan 9:25.*



2. AIMAWALRA MAKABIWALAN (Sin taka)

- a. Parisi nani mita wahma nakra blainkan Jisas rakanra dia kli makabiwalan, dia parisi nani wantkan? *Jan 9:26.*

"Parisi nani mita wahmika blainkan Jisas mita rakanbara kli makabiwalan: 'Jisaska dia dauki mairakan' Nahki namkra kwakan?' Sturi kli an kli daukibawal wantkan wahmika sinska saura daukaia. Setan an ai ensalka nani aikuki parisi nani lamarakan. Tnatka plikikan nahki muni yaka upla nani mita Jisasra kasak lukbia apia dukiara." — *The Desire of Ages*, p. 473.

- b. Nahki wahmika mita ansa munan? Ya witin lamarakan tabaikaia? *Jan 9:27.*

"Wahma blainkan Jisas mita rakan lamara heven ensalka nani barakan sinslaka an karnika yabikan.

"Parisi nani nuapia bakukan naha wahmika lika aiyapti biarawina blain aisubitakan; skulsin dimras sakuna wahmika mita sinslakawal sturi aisikan. Dawan mita heven ingnika yaban wahmikara, bara aitanka kasak wapni laka kat sturi aisikan. Ao, kli an kli parisi nani mita traikaikan kunin munaia sakuna wahmika karna aibapankan an sturi raitbakat aisikan." — *Ibid.*, pp. 473, 474

- c. Nahki sin helpka naiwa wankaia pramis munansa? *Luk 12:11,12.*

"Nanara taimkasa kumi bani wan Baibilka stadi takaia Dawanra sinslaka makabaia. Diara tara an tihura bara dukia naniba wankbia tanka briaia, bara setan an aisuliarka aikuki wan mapara bubiasin sip yawan kahwan kabia apia. Dawan mita heven ensalka nani blikbia wan tabaikaia sibrin laka nanisut wankupia wina sakbia bakusin sinslaka wankaia traika kaikanba puraluwaia dukiara." — *The Review and Herald*, May 3, 1887.



3. SELP BLAIN PULI NANI MAWANRA SIBRIRAS KAIA

- a. Wahma blainkan Jisas mita rakan bara sip kunin munraskan pyuara nahki bahki kulkan, naiwakat nahki sin bakusa? *Jan 9:28, 29; 1 Korint 1:18, 19, 26–28.*

"Pyua banira Dawan ailuhpia nanira wark aihkakira yabisa an kasakka bilabasin. Dawan bila kasakkaba tasba uplika sinskira tara naniwina yukukan sakuna tuktan nanira param sakansa. Naha diara nani tanka briaiasa kaka Spirit Holikira mita baman sipsa wan sinska nakra kwakaia tanka aiska an kasak bribia dukiara.

"Naiwa serts ta uplika tara nani lawana pain paski yaban aiwanisa, priaswatla tara an painkira makisa. Sakuna nuapiasa baha saumukka ma ba pawai dukiara tala ailal laiwan ba tanka. Gaspel sturka yamniba upla manas mita diara bahki kum kulkisa. Jû nani aisanba kli sinbaku aisisa: Moses lika yawan nusa Dawan mita blikan; sakuna Jisasba aniwina balansa sapa yawan nuyapiasa. *Jan 9:29.* Patitara kataba baku Dawan bila kasakkaba serts ta uplika nani nuapiasa, sakuna waikna an mairin nani bankra uba skuldimras sakuna aikupia aiskawal Dawanra kasak luki nanira." — *Christ's Object Lessons, pp. 78, 798.*

- b. Wahma blainkan Jisas mita rakan daukankawina yawan dia lisin painkum lantakaiasa? *Jan 9:30-33; Sturka nani 4:19, 20.*

"Sinslaka an respekka yabiwal upla nanira wiaiasa Dawan latwan laka dukiara, an marikaiasa heven tasbawal papaskrika baku, an ai Lâ ka mankanba bilawalbia dukiara, sabat yuabasin baku.

"Jisas pramiskara kasak luki wan taura wapaiasa, aibila holikiraba plakin baku purara bukaiaasa. Tasba gabamintka nani mita taibi wan muni kau smalkbia apia wanwibia pyuara yawan pana tawi sibriraskira wiaiasa apastel nani aisankata ba baku: Kau kanra yamnisa Dawan bilawalaia wihki upla aisanka ninablikaibawal. Kan yawan kiara kaikan an walanba sip aisaras kapras sa." — *Testimonies for the Church, vol. 6, p. 395.*



4. DAUKANKA TASKI AN TIHMU

- a. Wahma blainkan Jisas mita rakanbara parisi nani sip kunin munraskan pyuara dia daukan? *Juan 9:34*

"Wahma blainkan Jisas mita rakanba parisi naniwal yabalra prakprawan. Wahmika sturi aisiba mapara parisi nani sip aisaraskan. Parisi nani ta iwan an aibila praki banhwan wahma sturi aisiba dairik an kunin luhakanba mita. Minit kum sap taki banhwan. Ninkara aimawan sauhki aikwalka tarawal aiblakwan. Aimina siauhban pukpukia alkanba bara wahmikara naku aisan: 'Man saurka lakara aisubram' an yang nanira aismalkaisma? Baha aisiwal wahmika nina serts bukkawina dikisakan.". — *The Desire of Ages*, p. 474.

- b. Jisas mita wahma blainkan rakan bara nahki aisan? *Juan 9:35-38*

"Wahma blainkan rawanba Jisas minakat kahwi mayunan. Ainakra baman wina lika rauraskan sakuna nanara aisinska pain brikan. Jisas Mesaia baku tankaba aiska nutakan an ai Sasakrika baku brin."— *The Desire of Ages*, p. 475.

- c. Mapara babura nanira kanbi sakiba an Dawan Lâ ka kat iwi bilawali nanira kanbi sakibawal nahki satwalasa? 1 King 9:6–9; Matyu 12:31, 32; Lawana nani 11:3.

"Wyklip naku aisan: uplakum sip serts bukkawina nina diki sakras witin Dawan mita saura kaiki dukia daukras kaka". — *The Great Controversy*, p. 84.

"Dawan bila kasakkara iwi uplikaba mapara babura nani nakrara yamni kaikras, kuna Dawan witin nanira yus munisa aibila kasakkaba yarka upla nutakbia dukiara. Lutero ra Dawan mita yusmunan aibila kasakba baha pyuara iwiki uplika nanira smalkaia, sin baku naiwa las pyuara yawan iwinara Dawan ai albika nani brisa ai bila kasakba yarka upla nanira smalkaia. Ao, setan laik apiasa an mapara aiklabisa." — *The Great Controversy*, p. 84.



5. YAMNI KULKAN, INGNIKA YABANBAWAL LA KA DAUKAN

- a. Jisas dia aisan aiwarkka dukiara? *Jan 9:39*

"Parisi nani daknikum Jisas smalkikanba lama mapa balikawan, Jisas nukan witin nani dia plikiba. Jisas tasbara balan upla blain nani nakra yabaia. An tihmiara iwi nanira heven ingnika yabaia. Jisas aisan: 'Yangsika naha tasba ingnika' wahma blainkanra yaban kaikanbawal param marikikan Jisas aiwarkka naha tasbara. Jisas balan pyuara raiakan uplika nani ainakra paliwal kaikan wark tara witin daukikanba. Jisas kasakka tanka kau kler nutaki banhwan. Baha ingnika param sakanba taka la witin nani purara kahwan.". — *The Desire of Ages*, p. 475

"....

- b. Jisas smalkanka walan pyuara parisi nani dia daukan? *Jan 9:40*.
Jisas mita nahki kler sakan parisi nani selp blain pulikanba dukiara? *Jan 9:41*

"Dawan aikarnikawal waikna wahma blainkan wina rakan an spiritka nakrasin rakan nanara Dawan bila tanka tihuka aiskabrin. Sakuna parisi nani selp blain pulikan nanira setan mita kau tihmutara lakara dinkan. Dawan mita parisi nanira param marikan aikarnikaba sakuna wantapiakan kasak lukaia bara setan ensalka nani mita sinska wahra daukan. Jisas mita naku wisata: 'Man nani wisma kaikisna sakuna bahki kulkisma Gadwina balan yabara. Ya uplika ai nitka kaikikan nanira helpmunaia dukiara Jisas balan". — *The Desire of Ages*, p. 475.

**MAKABANKA LUAN NANI BA LAKI KAIKS**

1. Wahma blainkan rakanra parisi nani mita nahki kunin munaia traikaikan?
2. Ya mita parisi nanira yusmunikan kunin aisabia dukiara?
3. Wahma blainkan rawanbara ya mita yusmunikan sturi kasak aisaia?
4. Wahma blainkan Jisas mita rakanba nahki sibriras raitba param aisan?
5. Upla kum selp blain puliba nahki kau saurasa wihki rait aihwabawal?

JISAS, SIP MAINKAKAIRA KASAK

"Yang sika sip mainkakaira kasak; raiaki yabisna sip nani dukiara." *Jan 10:11*

"Jisas sip mainkakaira kasak, an kaupinka durkabasin witin. Witin selp aisakripaiska tara daukanba taka mita baha taitilka brin sip main kakaira yamni baku."— *The Desire of Ages*, p. 478.

Kau aisikaikaia: *The Desire of Ages*, pp. 476–484.

Sandi

Li kati 8

 Baibil aisikaikaia ba: *Nihimaya 9-10*

1. SIP MAIN KAKAIRA AN AIMPLIKRAWAL

- a. Sip mainkakairaba an aimplikrawal difrantka dukiara nahki Jisas aisan, spirit lainkara dia lisinka lantakisa? *Jan 10:1, 2.*

"Jisas ai smalkankara aisan Mesaia warkka dukiara prapit Aiseya kaina manas pat aisanka dukia naniba. *Aiseya 40:9-11; Lawana nani 23:1; Ezequiel 34:23,16, 28.* Parisi nani mita waikna wahma nakra blainkan Jisas mita rakan taiara serts bukka wina nina diki sakan wahmika sturi rait kasak aisanba taka. Upla solka kum Jisas ai lamara bribalanba tayara klaki sakan. Baha daukankawal parisni nani marikisa aiwarkka nuapiakanba tanka, bara sip dawanka mita sip ai sipka nani kau yaka aimihtara kabia apia. Jisas aisi naku wisata: "Yang sika sip mainkakaira kasaksnaba.". *The Desire of Ages*, p. 477.

"Jisas mita latwan wan kaikisa kan yawan uplaba sin tuktankum baku selp karnika apusa, yakan wanhelkara diarakum daukaia.". *Sermons and Talks*, vol. 1, p. 248.)

- b. Sip mainkakaira wihki sip naniwal nahki aslasa? *Jan 10:3, 4.* Sip naniba upla tringsar nina blikbia ki? *Jan 10:5.*



2. SIP KLARKA DURKA

- a. Jisas nahki param marikan witin aidaukanka wihki parisi naniwal? *Jan 10:7-10.*

"Jisas lika Gad sipka klarka durkaba. Baha durkabak ailuhpia nanisut dimisa. Jisas dukiara prapit nani patitarawina aisankanba siplupia tukinka kum baku. Sin tnatkara disaipil nanira param saki marikan, tukin tara aihkakira ailal daukanbawal. Jisas sika Gad sipka tasba saurka mana sakiba. Jan 1:29. Baha sipka watla durkabak upla sut sipsa dimaia aikupia pihnika lakara. Ao, naiwa setan mita smalkanka wahra nani ailal bribal dinkisa kahwan sertska nanik bara upla ailal sinska saura daukisa. Dur kumiba lika Jisas, aidul sertska nani smalkanka wahra daukiwal traikaikisa Jisas pliskara witin nani aimakaia, sakuna sutba lika aimplikra an aikra bamansa.". — *The Signs of the Times, 20 de junio de 1900.*

"Parisi nani lika sip klarka durkabak dimraskan. Pliswalak aihwitwi diman aimplikra baku, bara sip nani Dawanka kupia lakakat daukraskan. Jû, parisi an pris nani mita siplupia pataba aiminara taibi ikisbi an taski daukan, siplupia nani li diaia pliskara sin taski daukan. Baibilra kler wan aisisa baha pasinka kuninkira nani dukiara: 'man nani mita siplupia kuhma kriwan nanibara tabaikras kapram, siknis naniba rakras kapram, wayata latwan brin naniba wilki swiras kapram, an yabalwina aihmawakan naniba yarka kli sip klarkara bribal kapram, sakuna taiban lakawal witin nani dawanka baku pulram. Ezequiel 34:4.". — *The Desire of Ages, pp. 477, 478.*

- b. Sip mainkakaira kasakba wihki aimana dukiara warktakibawal nahki difrantsa? *Jan 10:11-13*

"Uplara smalkaia baman lika apia sakuna help munaia, Dawan latwanka tihuka tankaba marikaia, sakuna naha sat pasinka kumba witin pali airaiakaba Jisaswal asla iwikaiaasa bara ai aisanka aidaukanka nanibawal marikaiaasa.

"Aitanisa pasin naniba serts membars aikuki aslakaia witin nani aitanka tihukawina nukaia, pasin witin airaiakaba Jisas warkka tatakra kasak baku ai iwankawal uplara smalkaiaasa.". — *Gospel Workers, p. 191.*



3. SIP MAINKAKAIRA KASAK

- a. Jisas, witin sip mainkakaira kasak baku dia daukanka wala marikan? *Jan 10:14, 15.*

"Naha tasbara sip mainkakaira kumba ai sipka kumi banira kakairasa, sin tnatkara Dawan mita yawan kumi banira wan kakairasa. 'Man nani lika yang sipki lupia nani, ao daiwan lika apia upla yakawisma, an yang lika man nani Dawankam'. Jisas baku aisisa: kumi banira ninamkat maki maiwinisna; yang dukisma. Mihti bilara ulbi maibrisna ninam naniba'. *Ezequiel 34:31; Aiseya 43:1; 49:16.*

"Yawan kumi banira Jisas wan kakairasa an wan swapnika naniba witin pain nusa. Wan ninakat kumi bani Jisas nusa. Wan watla anira dimibasin witin pain nusa, utla bilara upla an barabasin. Wan tawanka bilara yabal naniba sutsin pain nusa. Pyua kum kum ra ai albika nanira wisata, ani yabalkara wabia siplupia kumwal prawaia."

"Upla kumi banira Jisas kakairasa sin naha tasbara upla wala apukan baku. Wan sarka naniba witin aikupia kat kanbisa. Wan winanka naniba aikiamakat uliwise. Naha tasbara Jisas balan kan brindaukisa ailamara wanbrikaia. Adarwankisa: 'Kulmi bliks', an Spirit Holikira wan kupiara aisisa bara wan maihsanikhisa Dawanra balbia dukiara. Upla ailal wantapiasa Jisasra balaia, kan setan mita kunin muni alba lakara briba mita. Ani uplika aibilawali witinra baliba nanira wisa: 'Yang sipki naniba bilibaikrka walisa, an yang mita witin nanira kakairasna an niniblikisa'. " — *The Desire of Ages*, pp. 479, 480.

- b. Diakan dakniwala sipka nani Jisasra balaia wantkan."? *Jan 10:16*

"Tasba aiskara sol nani ailal smasmalkra kuninkira nani mita kunin lakara briba dukiara Jisas lukan. Baha sipka lupia naniba klar walarasa balan daukisa, Jisas wisata: 'Klar walara sipki nani baarasa an bribalaisa nitsa'. *Jan 10 :16.*" — *Ibid.*, p. 483.

"Serts daknika ailal tilara Dawan sipka lupia nani barasa, witin nani brindaukisa Dawan bila kasakka tanka aiskasut briaia. Yawan pat ingnika tara bri nanina wan raiaka paliwal marikaia nitsa witin nanira Dawan latwankaba." — *The SDA Bible Commentary [E. G. White Comments]*, vol. 4, p. 1184.



4. DAWAN KARNIKA

- a. Jisas witin Dawan baku dia karnika brisa aisan? *Jan 10:17, 18.*

"Dawan Aisa yangra latwanssa, kan raiaki swisna, an sipsna kli briaia' kan man nani dukiamra saurka albika lakawina swaki maisakaia dukiara raiaki patmihtara mankri. Man nani klala briaia kapramba yang brii bamita Dawan Aisa yangra latwansa.

Raiakiba uplakum mita sip sakras, yang karnika brisna swiaia. Bakusin karnika brisna kli briaia. Jisas lika upla baku sipkan pruaia, sakuna Dawan baku lika airaiakaba upla kumi mita sip sakras. Sakuna witin wilinkira airaiaka yaban upla swaki sakaia dukiara. Jisas karnika brikan sin minitkara waihlala nanisut iki tikaia sakuna tasbara, ensal nanira, an saurka dimras tasbaia nanisutra wedniskum yaban ailatwanka tannka. 'Yawan wan sikniska naniba witin brihwan, wan wina klahwanka sin. Insauhkanka ailal brin yawan briaiaikanba, wan klalka kataba witin twilkan, witin sukwanka taka yawanra wan rakan. Sakuna yawansut lika sip baku aihmawakan, yabalwina saitra takan; sakuna wan patkasutba Jisasra kahban. Aiseya 53: 4-6." —*Ibid.*, vol. 2, pág. 24.

- b. Diakan uplaba Jisas nina blikisa? *Jan 10:27; 1 Jan 4:10, 19.*

"Jisas nina blablikra naniba hevenra waia dukiara, ar il pautara waia apia dukiara Jisas nina blikras. Sakuna Jisas warkka tara daukanba swaki wansakaia dukiara kakaira takisa pyuara wan nikbisa witinra bilawalaia, kasak lukaia an ainina blikiaia. Jisas raiaka stadi takaiaba tara palisa Betlehem ra bip pata watla wina Kalvary dusa prignira kat lisin tara palisa lantakaia. Baha stadi takisa pyuara wankupiaba tatatwisa an mayunra yaban wandaukisa." —*Ibid.*, p. 480.

"Kaisa Jisas raiaka tasbara balan, upla tilara iwan, wark yamni nani daukan, dusprignira pruan, raitiwina yu yumhpara kli buan, an hevenra uliwasata sturka nani Baibilra ulbanba staditakaia. Lisin kau tara an tihi apusa baha purkara. Jisas raiaka sturkaba sinslaka bukka tara palisa, witin wina lantakaia yawan nitsa, bawan laka, wan spiritkara umpira kaiabasin." —*The Acts of the Apostles*, p. 334.

**5. SWAKI SAKAN LAKA SURBA**

- a. Jisas mita sip nanira swaki sakan laka surba dukiara diawisa?. *Jan 10:28, 29.*

"Jisas raitiwina pruibuanba ninkara hevenra uliwan, Dawan Aisa mihta aihkikara iwisa, sakuna ailatwanka upla helpkara minit kumisin kau mayara takras. Jisas tasbarakan pyuara dia wan marikanba naiwakat bansa hevenrasa sakuna. Ai mihta insauhkan markabara yawan kumi bani wan nina ulbi brisa. Jisas pramis painkira dauki naku aisan: 'Ya uplika yangra kasak lukiba ban tanis tiubia apia, an karnika kumi mita sin sip mihtiwinina dakbi sakbia apia. Upla kumi bani Jisas nakrara mana tarapalisa kan aitaliawal atki wansakan mita. Jisas ban lulki wanswiras, yawan selp wahbia briaiasa Jisas bila walaia apia kau setan albikara iwikaia.'" —*The Desire of Ages*, pp. 480–483.

- b. Swaki sakan laka an wan kasakka laka surba diaurasa? *Roman 8:31–39.*

"Hevenra Jisas wan helpkara Dawan Aisa mawanra aisisa, aitaliawal manatara atki sakan uplika kumi bani dukiara. Mani ailal luanbara Jisas talia manaba bahki takras, kulkanka tara yabisa hevenra an saurka dimras tasbaia nanisutra. Heven aiskara brinka kau taraba lika uplasut swaki sakan laka bribia. Jisasra kasak lukbia, setan albika lakawina lanhwi pritakbia an heven suliarka tilara baldimbua. Ao, selp wankarnikawal lika apia sakuna Spirit Holikira mita sinslaka an ingnika painkira wankibawal.'" —*The Desire of Ages*, pp. 480–483.

**MAKABANKA LUAN NANI BA LAKI KAIKS**

1. Sip main kakaira kasakba wihki aimplikrawal dia difrantka barasa?
2. Dia patranka walawal Jisas aiwarkkaba marikan?
3. Sip mainkakaira kasakba nahki ai sipka nanira latwansa?
4. Sip naniba nahki main kakaira kasak bara nina blikisa?
5. Aisas nahki yawan sipsa surkaia swaki sakan lakaba briaia?



JISAS WIHKI LASARUS WAL

"Dawan nakrara yamni kaikisa kasakkira nani pruibā."

Lawana nani 116:15.

"Jisasra raiaka baraba lika selp aidukia upla walawina briras. Jisas Dawan baku prura kika briba bilakaikanka yabisa kasakkira nanira." — *The Desire of Ages*, p. 53.

Kau aisikaikaia: *The Ministry of Healing*, pp. 219–224.

Sandi

Li kati 15



Baibil aisikaikaia ba: Job 5-8

1. BETANIARA PAMALIKUM

- a. Betania tawankara ya ba Jisas disaipilka kan? *Jan 11:5.*

"Betania tawanka lupiara pamalikum barakanbawal Jisas asla palikan, Lasarus baha tilarakan.

"Aima manas Lasarus watlara Jisas resbriaia wikan. Jisas selp aiwatlakum apukan; aipanika nani invait munisa pyuara watlara wikan, witin upla baku aima ailalra warktaki swapikan pyuara utla kau bin apura wikan ria resbriaia. Lasarus watlara Jisasra yamni balanka yabikan aikupia aiskakira an kasak lukikan Mesaia kum baku." — *The Desire of Ages*, p. 524.

- b. Dia sat watlara Dawan mawan ingnika an aiblingka barasa? *Sinslaka 3:33.*

"Jisas, witin lihkikan utlakum prilaka an kupiakumi laka baraba an watla bila uplika nani Dawanra kasak lukiba. Jisas mita Lasarus watla uplika nanira latwan kaikikan upla baku. Jisas smalkanka bila naniba alki daukikan bara blising brikan uplika nani kumi bani." — *El The Desire of Ages*, p. 524.

"



2. LASARUS SIKNIS TAKAN

- a. Lasarus siknis takan pyuara lakrika nani dia daukan, dia ansika brin? Jan 11:1–4.

"Lasarus siknis takan, bara ailakrika nani mita upla blikan Jisasra maihsapahkaia: 'Jisas kaiks pamnika Lasarus ba siknissa'. Lasarus lakrika nani uba sibiraskan witin nukan Jisas karnika briba ailakrara rakaia diasat sikniska kabiasin. Witin nani nukan Jisas aitrabilkara wilinba helpmunaia; isti balbia dukiara lika wiraskan des wisata: pamnika latwansmaba siknis palisa. Lasarus lakrika nani lukan Jisas ria isti mapa balbia Betaniara.

"Lasarus lakrika nani Jisas bilakaikikan. Kau ailakra raiaba pyuara. Aipurasunikira Jisas balbia bilakaiki banhwikan. Sturi kwakwahkra ba balan sakuna Jisas lika balraskan, sakuna sturikum bribalan: 'sikniskaba pruaia dukia apia', lakrika nani bilakaikanka tara brikan Lasarus bitar takbia. Tankira latwan lakawal ailakrikara Jisas aisan sturkaba win sakuna Lasarus pat manas swapankan sikniskabawal." — *The Desire of Ages*, pp. 525, 526.

- b. Jisas dia aisan an daukan baha yua nanira? Jan 11:5–8.

"Baha ninkara pat yu wal luankan, kaikras kaka Jisas auia tiwan bakukan aipanika Lasarus dukiara. Jisas disaipilka nani tilara makabi walanka kum brihiakawikan. Dia muni Jisas mita swin Jan tatabrara silak watlara mankan Herod mita an bahara nana dakbi ikan. Jisas upla siknis nani raia kairnika briba dia muni banswin Jan tatabrara swaki sakras swin pruan. Parisi nani nahawal aisikan Jisasba Mesaia apia. Jisas mita aidisaipilka nanira kaina manasra pat winkan traika kaikan nani balbia witin nani purara. An manas aininara kli taubiaba dukiara sin.

"Disaipil nani tilara pana pana aisibanhwikan Jisasba diamuni Betaniara waras yu wal luan ninkara. Sakuna Jisas lika diarasutba nukan awarka kat daukaiaba." — *Ibid.*, pp. 526, 527.



3. SARIKANBA WINA BILA KAIKANKARA TAWAN

- a. Lasarus sikniskan pyuara Jisas daukankawina dia yawan lantakaia nitsa? Jan 11:9, 10.

"Gospel sturka smalkanka yamniba walan uplika naniba sipkan Jisas nina blablikra takaia, sakuna bahki kulkanba taka bankaia patkara lakan kabia. Ban tihmiara man taukisa setan mita sinska saura daukan sip Dawan bila tihuka aitanka briras. Ailukanka ba diara bahkira baman aitaimeka tikisa ai kupiara yaban Jisas baliuras." *Fundamentals of Christian Education*, p. 471.

- b. Jisas mita aidisaipilka nanira dia dukiara param aisan, sakuna witin nani nahkira aitanka brin? Jan 11:11, 12.

"Naha aisan ninkara Jisas wisata: 'wan panika Lasarusba yapisa; yang auna witinra bukaia yapanbawina.' 'Lasarus wan panikaba yapisa', ba sturkaba painpalisa, disaipil nani kli lukikan ao, Betaniara bal pamali sari bri nanira maihsanihkaaiaba painsa sakuna Jerusalemra aihwakikan Jisasra alkaia baha trabilwala. Disaipil nani lukan Jisasba raitpali Lasarus pamalikara latwan apu, kan witinra bal win minitkara waraskan sikniswina bukaia. Sakuna Jisas aisankara bilakaikanka tara brin kan wisata: 'Lasarus wan panikaba witin yapisa', bara disaipil nani kaikan Jisas aiauya tiktaskanba tanka. — *The Desire of Ages*, p. 527.

- c. Jisas aisankaba tanka raitpaliba dukiara man dia brismaba aisas. Jan 11:13, 14.

"Jisasra kasak luki pruan naniba yapanka kum bakuwal prakisa, airaiakaba yukukansa Jisasra, witin nanira airaitikawina bukan kabia las trumpet kanbia pyuara. "— *The Desire of Ages*, p. 527.



4. BILAKAIKI, BILAKAIKI, BILAKAIKI

- a. Dia muni Jisas wihkara kan Lasarus pruan nutakan ninkara? *Jan 11:15.*

"Disaipil nani aihka ta iwan Jisas aisi naku wisata: 'Lasarus ba pruan; an liliyasna bahara apukapriba.' Jisas nukan aipanika nani trabil brikanba, sakuna dia helpmunaia apia dukiara wihkara wankan saki? Kaikras kaka Mery an Marta wal baman swin ailakrika Lasarus sikniskanba tilara. Jisas lika diara takaia naniba sutpat witin nukan. Lasarus pruan ninkara Mery an Marta walra maihsanihkra yabankan. Kaina manas pat kaikan nahki Mery an Marta wal kupia kriwan takan kabiaba ai lakra latwankira Lasarus pruankawal. Jisas kler aisi aidisaipilka nanira wisata: 'Lasarus ba pruan' sakuna Jisas baha minitkara Betaniara pamalikum sari bri nani dukiara baman lukraskan. Sakuna aidisaipilka nani pali naha tasbara witin aipliskara swinkabia nani dukiarasin. Bara Jisas aitani lukan Lasarus prubia. Jisas mita Lasarus ra sikniskan rakan satkata tukin kau tara daukanba sipapia kaiakan an uplara marikaia witin Dawanba tanka. ". —*The Desire of Ages*, p. 528.

- b. Dia muni Jisas diara daukraskan Lasarus sikniskan pyuara an ban swin pruan? *1 Korint 15:17–19; Lawana nani 18:28.*
-

"Jisas warkkaba upla siknis nani rakiba kat baman lika apiakan. Sakuna baha sat warkka daukisa pyuara uplika help briba nanira marikikan Dawan latwanka, kupia pihnika laka yaban upla kupiara takaskikan. — *Counsels on Health*, p. 249.

"Jisas, Betaniara kan sat kata Lasarus pruaia apiakan, setan sipapia kaiakan Lasarus ra saura munaia. Jisas ba raiaka diarasutra witin mita yabisa, aimawan ingnikara setan karnika apusa upla raiaka tikaia. Ba mita Jisas witin wihkarakan. Lasarus pruan awarkara lakrika Mery an Marta walra setan mita traika kaikan tara bribalan, Jisas witin nanira latwan apiasa wisi. Sakuna ban aibapi brihiakawikan. Jisaska balan an raitiwina Lasarus ra kli bukan kata."— *The Desire of Ages*, p. 528.



5. YAWAN BILAKAIKIBA BAKU APIA

- a. Kasakkira nani pruanba dukiara yawan dia lukaiasa?, patran kum manks. *Lawana nani 116:15.*

"Ilaidsa lika sip ai smasmalkrika Ilayas wal hevenra uliwaraskan. Dawan mita aipurara swin siknis balan. Awar ailal aiwinaba swapni an latwan wahwikan, sakuna Dawan pramiskara kasak lukikan, ailmakir kaikikan heven ensalka nani bal witinra aimaihsa nihki kanba. Dawanwal kakaira paintakan panakum baku; prura witinra balan pyuara, ridikan aireskara waia aiwarkka nanisutbawina." — *Prophets and Kings*, pp. 263, 264.

- b. Diatakan Betaniara kau Jisas balraskan kainara, ya nanisin barakan? *Jan 11:17–19.*

"Jisas ban isti balraskan Lasarus watlara, kan witin warkwalakum daukaia brikan. Ria takaskan Lasarus pruanbawina pat yu walhwal kanra aiwatlara balan. Bahara Jisas tukin tara daukanbawal wantkan witinra kasak lukras nani ainakra paliwal kaikbia witin Mesaiaaba tanka an karnika briba upla pruan paliwina katwin klubukaia. Israel luhpia nani witinra kasak lukbia dukiara diara kau taraba dauki marikan kata. Jisas aikupiara wihra brikan Israel luhpia nani dukiara. Brindaukikan yaka aitanka bribia witin hevenwina blikanba raiaka uplara yabaia karnika briba. Lasarus yu walhwal pruan kan paliwina kli bukanba lika sip parisi nani tnatka plikraskan Jisas mapara aisaia. Bahawina kau diarawala kler apusa Jisas Mesaia baku balanba tanka." *The Desire of Ages*, p. 529.



MAKABANKA LUAN NANI BA LAKI KAIKS

1. Lasarus pamalikaba ya nani bahkikan?
2. Dia muni Jisas Lasarus sikniskan pyuara waraskan?
3. Disaipil nani nahki aidara walan Jisas daukankabawal?
4. Jisasra kasak luki naniba nahki aidara walisa prura patkawal?
5. Dia muni Jisas swin Lasarus pruan?

**PRUANWINA KLI BUWAIA AN RAIKA**

"Jisas wisata: Yang sika pruanwina kli buwaia tankaba, ya yangra kasak lukiba, prubiasin kli buan kabia." Jan 11:25.

"Jisasra kasak luki uplikaba prura sia briras. Jisas aisan diara tara baku apia. Lalukra nani nakrara pruraba yapanka kum bakusa, pyu kunhku baman saptakan. Sakuna raiakaba yukukansa Jisasku Dawanra."— *The Desire of Ages*, p. 787.

Kau aisikaikaia: *Selected Messages*, bk. 1, pp. 296–300.

Sandi**Li kati 22**Baibil aisikaikaia ba: *Job 34-37***1. JISAS BETANIARA BALAN**

- a. Jisas, Betaniara aula sturka walan pyuara, Mery dia daukan an nahki aikasak lukan param marikan? *Jan 11:20–22.*

"Lasarus pruanba dukiara pamalika nani ini banhwikan, baha tilara kum kum lika Jerusalemra wark tara brikan, an Jisas mapara palikarna aisikan. Jisas bahasut nukan baha taka Betaniara aulaba dukiara publik munraskan.

"Jisas aulaba dukiara Marta kiamakat win upla wala nanira yaban walraskan.

"Marta sturi brinba ninkara tawa taki latarawan Jisas wal prawaia aikupiaba liliakan Jisas balanba dukiara. Jisas mawanbara maihsanikhkra an latwan laka marikikan. Marta witin Jisasra kasak lukiba mini kumira sin tikraskan, sakuna aisinskara balikan ailakrika Lasarus pruanba dukiara. Marta kupiaba sari laka wihrika wal aibanhwankan, Jisas balraskanba dukiara kau Lasarus pruraskan kainara, sakuna kauban bila kaikanka brikan Jisas diarakum sip daukbia, bara naku aisan: 'Jisas, man narakapram sat kata laikra pruaia apiakan.

"Jisas kaikan Marta nakra layaba an kupia bilara sari tara brikanba. Inikira Marta aisikan: Jisas narakan satkata laikra pruaia apiakan, sakuna ban yang kasak lukisna kauban witin dia Dawan Aisara makabiaba aikupia lakakat daukan kabia." —*The Desire of Ages*, pp. 529, 530.



2. BILAKAIKANKA PRAMISKA KAU TARA

- a. Jisas mita Marta ra nahki aisan. *Jan 11:23*. Marta nahki aitanka brin? *Jan 11:24*

"Jisas mita Martara tawi naku wisata: 'Lamkra kli bubia'. Baha Jisas aisankawal Marta lukraskan sin baha minitkara takbiaba dukiara. Jisas aisan las pyuara kasakkira nani sut airaitikawina bubia awarkara. Jisas mita Lasarus ra pruanan wina kli bukanba lika patran kasak kum bakusa Dawan pramiska taraba kasakkira nani naiwa airaitikara prawi banhwiba sut bukan kabiaba tanka.

"Marta tawi Jisas ra naku ansa munan: Yang nusna laikra kli bubia tnata yuara.". *The Desire of Ages*, p. 530.

- b. Marta kasak lukikanba Jisas nahki kaikan? *Jan 11:25; 1 Jan 5:12*.

"Jisas aimawalara aisi traikaikan Marta kasakka lakaba, wapni kabia, bara wisata: 'Yang sika klibuaia tankaba an raiakabasin.' Jisas raiakaba lika selp aidukia upla walawina briras. 'Ya luhpia briba raiaka brisa.' *1 Jan 5:12*. Jisas witin Dawan bakuba mita kasak lulukra nanira bapanka tarakum yabisa." – *The Desire of Ages*, p. 530.

- c. Dia pramiskaba wan kasakka lukan bapanka tarasa? Marta kasak lukikanba nahki Jisas tukin daukanbawal aslasa? *Jan 5:26; 11:26*, 27

"Jisas witin Dawan baku baha minitkara kaikikan tnata pyuara aima walra tasbara balbia pyuara kasak lulukra nani pruanba airaitikawina bubiaba kli pruaia apia bankaiara. Lasarus pruanba Jisas mita baha minitkara bukaikan, patran tarakum baku witin karnika briba ya ya witinra kasak luki pruan naniba tnata yuara kli bukan kabiaba tanka. Jisas aidaukanka an ai smalkankawal marikan witin karnika briba tanka upla pruan nani kli bukaia sipba, kan witin raiaka briba lika selp aidukiasa bamna. An pramis painkira kum wan munansa bankaia raiaka wankaia witin aibila wali kumi banira.". — *The Desire of Ages*, p. 530.



3. JISAS INAN

- a. Aisas Mery daukanka an aisanka nahki kanba? *Jan 11:28–32.*

- b. Mery an jû nani kum kum inikan kaikan pyuara Jisas diadaukan? *Jan 11:33–35.*

"Jisas witin Dawan baku kaikan jû nani ailal Marta lamara initaliakanba lika rait aihwa apia des purataia baman kunin daukikan sakuna aikupia muhtara rait sarikum lika apukan. Jû nani ailal barakanba witin nani plikikan nahki muni Jisasra ikaia, setan suliarka mawan wal purataia baman kasakkira pulibanhwikan. Baha minitkara Jisas sipkan diara nani witin kaikiba kler sakaia, sakuna Marta respekkara witinka lika rait aihwa sari wihra brikanba Jisas minakat kahwi inikanbara luki aibila prakan diara aisaras banswin.

"Jisas mita Marta ra makabi walan: 'Anira bikram Lasarus ra' Marta tawi Jisas ra wisata: 'Bal kaiks' bara taki wapan raitira baha minitkara rait aihwa Lasarus panikanba wihki Lasarus lakrika nani aikuki ini wapikan aikupia muhtawina. Bara Jisas sin inan. Ao, witin Dawan kan sakuna upla takanba mita wan sarka nani twilkan an wan lilika nanisin tilarakan. Purataia baman lika apia sakuna rait aihwa palikan." —*The Desire of Ages*, p. 533.

- c. Nahki yawanra patrankum kaiasa Jisas daukanba wina? *Roman 12:1.*

"Jisas daukanka wina yawan lisin tara lantakaiasa wan uplika wala ini sari brisa pyuara witin naniwal yawansin sarikaiasa, bakusin liliasa pyuara aikuki lilia kaiasa. Wanwina kat baman lika kaikaia apiasa sakuna dia sipbawal wan uplika wala nanira helpmunaia kan baha yawan lantakisa Jisas wina. "—*The Ministry of Healing*, pp. 157, 158.



4. DAWAN AN UPLAWAL WARK TAKAN

- a. Jisas mita dia adarka yaban ailamarakan nanira? Marta dia aisan, Jisas tawi dia wisata? *Jan 11:39.*

"Jisas mita wisata: 'Walpaba saks', sakuna sin minitkara setan mita upla kum kumra yaban namhpara lukanka brin. Jisas wisata, yang wark daukainaba yabalka rididauks. Sakuna Marta brindaukraskan ailakra wina pat puskanba upla nani kaikbia. Yawan upla wankupiaba isti apiasa Dawan aisanka naniba tanka briaaia, Marta kasakka lukan lakaba kau rait aihwa Jisas pramiska aiskasut tanka briraskan. . .

"Jisas mita latwan lakawal Marta kiama auban, minitkum witinra kasak lukraskanba tawan. 'Pat maiwiri kasak lukismasa kaka man kaikma Dawan karnikaba' Dia muni ban namhpara lukisma yang wark daukaia karnika brisnaba? Diakan aisanki mapara satwala lukisma? Wantsmasa kaka Dawan karnikaba kaikma. Upla sip apiaba, Dawan lika sipsa. Namhpara an kasak lukras uplikaba bawan laka apusa. Sakuna ya rait aihwa kasak lukisa bawikira bilakaikisa. . .

"Jisas mita sipkan dairik walpara wiaia saitra taubia, an walpaiaba bilawalaiakan, apiasa kaka heven ensalka nanira sipkan wiaia walpaba sakbia an bilawalaiakan. Sakuna Dawan wantkan upla mita walpaiaba sakbia. Uplaba Dawanwal asla warktakaiasa. Upla daukaia sipdukiaba swisa upla mihtara. Dawan mita diarasutba witin yakan daukras, upla warkkasin barasa. Sakuna witinwal aslawarktakis sinaska laka an karnika yabibawal aitani takisa wark daukaia." — *The Desire of Ages*, p. 535.

- b. Dia Jisas aisankaba latwan lakawal wan kiama aubisa? *Jan 11:40.*

"Upla ailal rait aihwa kasak lukras. Ba mita Dawan karnikaba sip kaikras. Kasak lukrasba taka swapni bansa. Wark ailal daukaia lukisa sakuna aipura suni Dawan mihtara aimakras, ban traikaikisa selp yakan daukaia. Witin lukisa kasak lukan laka brisa sakuna minit kum bamanra, Dawan wal asla warktakra baha taka sip pawanka briras aikasakka lakara." — *Christ's Object Lessons*, pp. 145, 146.

5. JISAS MITA LASARUS PRUAN WINA BUKANBA

- a. Jisas nahki aipura sunan Lasarus raitika lamara? *Jan 11:41, 42.*

"Laskat Jisas bilawali walpa kataba saitra lakan. Kler an paramra daukan yukwanra apia. Uplasut sipkan kaikaia. Lasarus winataraba walpa untika kumrakan, kauhla an binapu pliskara. Mairin ainra nanisut takaskan Jisas dia daukbiasa kaka kaikaia. Raitika lamakirba upla nani aipaswikan sakuna kumisin sturi aisaras aman kaikikan.

"Bahara Jisas winan Dawan Aisara an param aisan Luhpia baku."— *The Desire of Ages*, pp. 535, 536.

- b. Dia Jisas aisan bara Lasarus pruanwina buan? *Jan 11:43.* Dia takan baha minitkara? *Jan 11:44*


"Jisas bila baikra Lasarus kiamakat diman. Jisas lika uplakan sakuna witin Dawankanba kler param takan. Aimawanba ingnitakan Dawan glorika baku, upla nani kaikan aikarnika tara briba. Uplasut nakraba walpa untikabakat aman kaikikan. An aikama amanpali walikan dia binkum takbiasa kaka walaia. Nahara kler marikan Jisas ba rait Dawan kanba tanka, parisi kumisin sipapiakan mapara aisaia, kan uplasut kler kaikan Jisas warktakara daukanba.

Raitika unta bilara binkum takan Lasarus pahbaltakan. Lasarus pritakan, uplasut mawanra buikan, sikniskira kum baku lika apia sakuna wahma karnakum bakukan. Ai nakraba ingni an sinslaka tara brikan Jisas latwankara. Jisas minakat kahwan an mayunra tara daukan. "— *El The Desire of Ages*, pp. 536.

MAKABANKA LUAN NANI BA LAKI KAIKS

1. Aisas nahki Lasarus lakrika nani Jisasra kasak lukikanba?
2. Marta an Mery bakusin kristian sutra Jisas dia pramis munan?
3. Dia muni Jisas inan?
4. Nahki upla an Dawanwal asla warktakan baha tukin daukan kara?
5. Lasarus dia daukan Jisas mita witinra winan pyuara?

Pas Sabat **Kaliksankka**



Lih wainhka katka 5
Prokhorovka, Rusia
tawankara
Prias watlsa makaia

Wahia 4 ra kaiks



Lih mairin kati 3
Tasba aiskara
Misaniry warkka helpka
Wahia 25 ra kaiks



Li kati 1
Prias watla makaia
Tamil Nadu India ra
Wahia 51 ra kaiks